

Անժել Բյուրքյան, Լիլիթ Տեր-Գրիգորյան

ՄԱՅՐԵՆԻ

Վաճառքի ենթակա չէ:

2

Մաս 1



Անժել Քյուրբջյան, Լիլիթ Տեր-Գրիգորյան

ՄԱՅՐԵՆԻ

(2-րդ լրանշակված հրատարակություն)



Նկարիչ՝ Մուսաննա Այվազյան



Երևան 2019

ՀՏԴ 373.167.1:809.198.1(075)
ԳՄԴ 81.2 Յ ց72
Ք 709

**Հաստատված է
ՀՀ կրթության և գիտության
նախարարության կողմից**

Քյուրքչյան Ա.Ն, Տեր-Գրիգորյան Լ.Ա.

Ք 709 Մայրենի 2: Մաս 1/ Հանրակրթական դպրոցի 2-րդ դաս. դասագիրք/
նկ.՝ Ս. Այվազյան.- Եր.: Էդիթ Պրինտ, 2010, 88 էջ:


ՀՏԴ 373.167.1:809.198.1(075)

ԳՄԴ 81.2 Յ ց72

ISBN 978-9939-52-220-3

© Ա. Քյուրքչյան, Լ. Տեր-Գրիգորյան
© «Էդիթ Պրինտ»

ՄԵՆ ԴՈՒ ԴՊՐՈՅ ՍԻՐԵԼԻ



Գանձարանն այդ թե բանաս,
Դու կդառնաս հարուստ մարդ,
Թեև այնպեղ չես գրնի
Գոհար, ոսկի կամ արծաթ:



Սիլվա Կապուրիկյան

Իմ հայ լեզու

Իմ հայ լեզու, իմ մայր լեզու,
Իմ լո՛ւյսն ես դու, իմ ո՛ւժն ես դու,
Մեր հին տունը՝ գանձերով¹ լի,
Դու՝ գանձատան սուրբ բանալի:

Իմ հայ լեզու, իմ մայր լեզու,
Իմ լո՛ւյսն ես դու, իմ ո՛ւժն ես դու,
Լեզուների շքեղ շարքում
Մնա՛ հավերժ², մնա՛ կանգուն:

Իմ հայ լեզու, իմ մայր լեզու,
Իմ լո՛ւյսն ես դու, իմ ո՛ւժն ես դու.
Երդվում եմ՝ քեզ պահել պայծառ
Ու հասցնել դարերից դար:

¹ գանձ - հարստություն

² հավերժ - միշտ

գանձ
գանձարուն
գանձարան



Հարցեր և առաջադրանքներ

1. Բանաստեղծուհին ինչերի՞ հետ է համեմատում հայոց լեզուն. ինչու՞:
2. Բանաստեղծության ո՞ր տողերի մեջ է արված դրա պատասխանը. կարդա այդ տողերը:
3. Փոքրիկը ի՞նչ երդում է տալիս. իր խոսքումը կատարելու համար նա ի՞նչ պետք է անի:



Պատկերի խրատներից

Փոքրիկս, սիրի՛ր, լս՛վ սովորիր և մաքու՛ր պահիր
մեր անուշիկ հայոց լեզուն:

Լեզու, գանձ, հավերժ, շքեղ, պայծառ բառերը գործածիր
ճախադասությունների մեջ:

Խաչիկ Դաշտենց

Մեսրոպ Մաշտոցին

Ո՛վ մեծագործ
Մեսրոպ Մաշտոց,
Մեր առաջին
Բացված դպրոց:

Մեր առաջին
Լեզվի տաճար,
Լուսապայծառ
Հայոց հանճար¹:

Ամեն գիրդ՝
Վառվող ճրագ,
Մեզ հայ պահող
Անմար² կրակ:

Դու մեր մեծ պապ
Հացիկ գյուղից,
Մշո դաշտի
Քաղցրիկ հողից:

Շրթունքներով
Մեր մանկական
Քեզ հազար փա՛ռք
Հավերժական³:

արագ
արագին



¹ հանճար - մեծ տաղանդ

² անմար - չմարող, միշտ վառ մնացող

³ հավերժական - հավերժ



Հարցեր և առաջադրանքներ

1. Ո՞վ է Մեսրոպ Մաշտոցը. պատմի՞ր՝ ի՞նչ գիտես նրա մասին:
2. Կարդա՛ քանաստեղծության այն տողերը, որոնք բնութագրում են Մեսրոպ Մաշտոցին:
3. Նայերեն գրերը ինչո՞ւ են համեմատվում վատվող ճրագի հետ:
4. Փորձի՛ր բացատրել՝ ի՞նչ միտք է արտահայտված վերջին քառատողում:
5. Անգի՛ր սովորի՛ր այս քանաստեղծությունը և արտասանի՛ր արտահայտի՛չ ու հանդիսավո՛ր:

Օգտվելով բանաստեղծությունից՝ տրված երկու շարք բառերից ընտրի՛ր հարմար զույգեր և կազմի՛ր բառերի կապակցություններ.

- մանկական, մեծագործ, անմար, հայոց, մեծ.
- պապ, շրթունքներ, կրակ, հանձար, Մաշտոց:

Օրինակ՝ անմար կրակ:

Գիտե՛ս, որ...



Երկու բառերի այսպիսի կապակցությունը կոչվում է **բառակապակցություն**:

Քո կազմած բառակապակցություններից չորսը գործածի՛ր նախադասությունների մեջ:

Լուսիկ Բառնակյան

Առաջին ուսուցչուհին



Անցան ամառային արձակուրդի օրերը:

Վարդուհիենց դասարանի դռան վրա գրվեց II^ա դասարան:

Առաջին դաս. նոր ուսուցչուհի. տխրեց Վարդուհին:

Խոսում էր նոր ուսուցչուհին, իսկ Վարդուհին ասես լսում էր իր առաջին ուսուցչուհու ձայնը: Նայում էր նոր ուսուցչուհուն, և աչքերի առաջ կանգնում էր իր առաջին ուսուցչուհին:



Այդ պահին ուսուցչուհին կարդաց Վարդուհու անուն-ազգանունը. Վարդուհին սթափվեց, ոտքի կանգնեց ու մանրաքայլ մոտեցավ գրատախտակին:

– Վարդուհի՛, վերցրո՛ւ կավիճը և ուշադիր գրի՛ր...

Վարդուհին գրում էր ուսուցչուհու թելադրած նախադասությունը:

Գրում էր գեղեցիկ, ճիշտ: Ամառային արձակուրդի ընթացքում նա մանկական գրքեր էր կարդացել և ոչ մի տառ չէր մոռացել: Ուրախանում էր ուսուցչուհին:

Բայց այդ ի՞նչ է. փոքրիկը մեծ ջանք էր թափում, որպեսզի գրելու ժամանակ վեր պահեր փոքրիկ ճկույթը: Ուսուցչուհին մոտեցավ, օգնեց, որ ծալի ճկույթը: Վարդուհին շիկնեց:

– Չե՞ս կարողանում, – հարցրեց ուսուցչուհին:

– Կարող եմ:


– Հապա ի՞նչ...

– Մեր առաջին ուսուցչուհին՝ տիկին Սահակյանը, այդպես էր բռնում կավիճը, – կմկմաց աղջիկը:

Ժպտաց նոր ուսուցչուհին, փոքրիկի գլուխը գրկեց և ամո՛ւր-ամո՛ւր սեղմեց կրծքին:



Հարցեր և առաջադրանքներ



1. Վարդուհին ինչո՞ւ տխրեց:

2. Նա ինչո՞ւ էր ուզում նմանվել իր առաջին ուսուցչուհուն:

3. Նոր ուսուցչուհին ինչո՞ւ հուզվեց Վարդուհու արարքից:



«Իմ օգնականը» գրքից սովորեցե՛ք «Իմ ուսուցիչը» երգը և երգեցե՛ք դասարանում:



Ասացվածք

Նարգիհր ուսուցչիդ, ինչպես՝ ծնողիդ:

բթամսար
ցուցամսար
ճիզնամսար
ժամանամսար
ճկույթ



Ուսուցչուհի, արձակուրդ, ձայն, ձկույթ, գրատախտակ բառերով կազմիր բառակապակցություններ:

Օրինակ՝ բարձր > ձայն:
Յ

Ըստ Լևոն Շանթի

Կես խնձոր



Մի քանի աշակերտներ խմբվել էին դասարանում և ուրախ-ուրախ խոսում էին ու ծիծաղում:

Նրանցից բոլորովին առանձին կանգնած էր նորեկ մի *աշակերտուհի*, որի վրա մյուսները *ոչ* մի ուշադրություն չէին դարձնում: Աղջիկը շատ մեղմակ, խորթ ու անհարմար էր զգում այդ օտար շրջապատում: Ուզում էր ամեն ինչ թողնել ու վազել գնալ տուն:

Աչքերը արդեն լցվել էին, երբ դասարանի դուռը թափով բացվեց, ու ներս նետվեց սևաչ, կարմրաթշիկ մի *աղջիկ*: Աղջնակը գնաց խմբով կանգնած աշակերտների մոտ և սկսեց խոսել ու կատակել նրանց հետ:

Հանկարծ նկատեց նորեկ աղջկան: Իսկույն մոտեցավ նրան:

– Բարև, – ասաց անուշ ձայնով:

– Բարև, – պատասխանեց աղջիկը, և դեմքը պայծառացավ:

Սևաչյա աղջիկը պայուսակը սեղանին դրեց, ձեռքերը շփեց իրար և գրպանի խորքից դժվարությամբ հանեց մի խոշոր *խըն-*

ձող: Կիսեց ու ժպտալով մի կրտորը տվեց նորեկին:

– Խնձոր սիրում ես, չէ՞:

– Այո՛, – պատասխանեց նորեկը՝ ինքն էլ մեղմ ժպտալով, – ինչո՞ւ չէ:

– Իմ անունը Յուրիկ է, իսկ քո՞նը:

– Իմ անունը Սեդա է:

– Այդ ի՞նչ գեղեցիկ անուն

ունես: Տե՛ս, ինձ մոտ ազատ տեղ կա, ուզո՞ւմ ես մոտս նստել:

– Սիրո՞վ:

Ու երկու աղջիկները միասին նստեցին նույն նստարանին. կրծոտում էին խնձորը և փսփսում էին ծանոթների պես, մինչև որ հնչեց դասի զանգը:

Ուսուցչուհին ներս մտնելուն պես նայեց շարքերին, կարծես մեկին էր փնտրում: Ահա տեսավ. նորեկը նստել էր Յուրիկի կողքին: Նայեց նրա զվարթ աչքերին ու ժպտաց:

– Լավ ընկեր ես գտել, Սեդա՛, – ասաց նա հանգստացած:

Եվ Յուրիկն ու Սեդան մտերիմ ընկերուհիներ դարձան. Յուրիկը կես խնձորով ձեռք բերեց իր կյանքի լավագույն ընկերուհուն...



սև
սևաչյա



Հարցեր և առաջադրանքներ

1. Նորեկ աշակերտուհին ինչո՞ւ էր հուզված:
2. Ուսուցչուհին ինչո՞ւ հանգստացավ, երբ նրան Սեդայի կողքին տեսավ:
3. Սեդան իսկապե՞ս կես խնձորով ձեռք բերեց իր մտերիմ ընկերուհուն, թե՞...



Իսկ դու կարո՞ղ ես քո մասին ստել.

Ես ընկերասեր եմ:

այո՛ր՝ ո՛չ

Ես ուշադիր ընկեր եմ:

Քանի՞ հնչյուն և քանի՞ տառ ունեն հետևյալ բառերը.

ընկեր, ծիծաղ, մտերիմ, որդի, բարև, երգ:

Օրինակ՝ *ծիծաղ* - 5 հնչյուն, 5 տառ.

մտերիմ - 7 հնչյուն, 6 տառ:



Նիշո՞ւմ ես, որ....

Ննչյունն արտասանում և լսում ենք:

Տառը գրում և կարդում ենք:

Նայերենն ունի 36 հնչյուն, որոնք գրվում են 38 տառերով:

Տեքստից արտագրի՛ր թեք գրված բառերը և գը-
րի՛ր՝ քանի՞ հնչյուն և քանի՞ տառ ունեն դրանք:

Վահան Գրիգորյան

Դպրոցի ճամփան

Գնում ենք ուրախ, ձեռք ձեռքի տված,
Երգում միասին՝ աղջիկ ու տղա,
Փռված է մեր դեմ մոր գրկի պես բաց
Գեղեցիկ ու լայն դպրոցի ճամփան:



Վազում է մեզ հետ, աղմկում առում,
 Յեզ՝ օրորվում են ծառերը աշնան,
 Բոլորիս սիրով կանչում է, տանում
 Գեղեցիկ ու լայն դպրոցի ճամփան:



Ձգվում է տնից մինչև դասարան
 Մանուկ օրերի ոսկեփյուռ² շղթան՝
 Այնպե՛ս մտերիմ, այնպե՛ս հարազատ
 Գեղեցիկ ու լայն դպրոցի ճամփան:



Ճամփա
 Ճամփորդ
 Ճամփորդել

¹հեզ – այստեղ՝ մեղմորեն, հանդարտ
²ոսկեփյուռ – այստեղ՝ մանկական գեղեցիկ հուշերով
 ու երազանքներով լի



Հարցեր և առաջադրանքներ

1. Նկարագրի՛ր դպրոցի ճամփան՝ ըստ բանաստեղծության:
2. Ինչպիսի՞ն է քո դպրոցի ճամփան. նկարագրի՛ր:



Օգտվելով բանաստեղծությունից՝ կազմի՛ր բառա-
 կապակցություններ և կարդա՛.

ուրախ
 հեզ
 լայն
 մանուկ
 ոսկեփյուռ
 գեղեցիկ
 մտերիմ

ընկեր
 ճամփա
 գնալ
 շղթա
 օրեր
 օրորվել
 ծառեր

Կարդա՛ հետևյալ երկու խումբ տառերը և ուշադրություն դարձրու այդ հնչյունների արտասանությանը.



ա, է, ի, ը, օ, ու.



բ, գ, լ, վ, զ, ռ...



Նիշո՞ւմ ես, որ...

Տնչյունները լինում են երկու տեսակ՝ **ձայնավոր** և **բաղաձայն**:

Ձայնավորներն արտասանվում են երկար ու ազատ (ա՛, է՛, ի՛...):

Բաղաձայններն արտասանվում են կարճ և **ը** ձայնավորի օգնությամբ (բ - բը, գ - գը...):

Ի՞նչ ձայնավոր և բաղաձայն հնչյուններ ես լսում հետևյալ նկար-բառերի մեջ. գրի՛ր դրանք առանձին սյունակներով.			
Օրինակ՝	<table border="1" style="margin-left: auto; margin-right: auto;"> <tr> <td style="text-align: center;">ձայնավոր (ե)</td> <td style="text-align: center;">բաղաձայն ս</td> </tr> </table>	ձայնավոր (ե)	բաղաձայն ս
ձայնավոր (ե)	բաղաձայն ս		

Սուրեն Սուրադյան

Իմ դասագրքերը



Ծի՛շտ է, գրքերը
Գիտելիքներ են
Ինձ տվել կյանքում,
Թևեր պարզևել
Իմ մտքին, հոգում,

Բայց թե ինչպե՛ս են
Սիրել աշխատանք,
Սիրել բնություն,
Հողը, վար ու ցանք,
Սովորեցրել են



Գրքերի պես լավ
 Յորս կոշտացած,
 Յողոտ ձեռքերը,
 Որոնք դարձել են
 Իմ ամենալավ
 Դասագրքերը:



Եհշտ է, մանկության
 Յեքիաթներով են
 Բարությանը սնվել,
 Չարի դեն կռվող
 Յերոսներն են ինձ
 Քաջություն տվել,
 Սակայն մայրական
 Քնքշանքն ու սերը,
 Օրհնանքով օժված՝
 Բարի խոսքերը,
 Ջերմությանը լցված
 Գորովանքները՝
 Դարձել են կյանքում
 Իմ առաջին սուրբ
 Դասագրքերը:

¹օրհնանքով օժված – այստեղ՝ օրհնանքով լցված

²գորովանք – սեր, քնքշանք

հեփիաթ
 հեփիաթային
 հեփիաթասաց



Հարցեր և առաջադրանքներ

1. Գրքերը ի՞նչ են տվել բանաստեղծին:
2. Ինչե՞րն են դասագրքեր դարձել բանաստեղծի համար:
3. Նա ի՞նչ է սովորել այդ դասագրքերից:



Դասարանում կարդացե՛ք Սիրվա Կասպուրիկյանի «Այս գի-
 րուներ» բանաստեղծությունը և որոշեցե՛ք՝ գիրքը ե՞րբ օգուտ
 կրա՞ ձեզ:



Հանելուկ

Տուն է սպիտակ, լայնասրարած,
 Սև հավիկներ մեջը թառած,
 Խոսում են ու գրույց անում՝
 Մարդու նման լեզու առած:



Կարդա՛ր և որոշի՛ր այս բառերի ձայնավոր հնչյունները.
 անուն, օգնել, հոգի, էջ, ընկեր:



Նիշո՞ւմ ես, որ...

Տայերենն ունի 6 **ձայնավոր** հնչյուններ, որոնք գրվում են 8 տառերով՝ **ա, է(ե), ի, ը, ու, օ(ո)** :

Է և **օ** տառերը գրվում են բառասկզբում, իսկ **(ե)** և **(ո)** տառերը՝ բառամիջում և բառավերջում:



Տրված բառերի ձայնավորները փոխելով՝ ստացի՛ր նոր բառեր ու գրի՛ր.

լուռ ւ
ծառ ն

վեր ա
գեր ի

շող ա ւ
հարթ ո ւ

Երեք հարուստ

(հեքիաթ)

Երեք մարդ վիճում էին ու չէին կարողանում որոշել, թե իրենցից ո՛վ է հարուստը: Գնում են Խիկար Իմաստունի մոտ:

– Մենք, – ասում է առաջինը, – եկել ենք իմանալու, թե մե՛զանից ո՛վ է հարուստը:

– Դո՛ւ խոսիր, – դիմում է Խիկար Իմաստունը առաջինին:

– Ես ոսկու և արծաթի, արտ ու արոտի տեր եմ, իմ հարստությանը չափ չկա:

– Դո՞ւ ինչ կասես, – հարցնում է երկրորդին:

– Ես այսինչ թագավորի զորապետն եմ, ես երեք անգամ ավելի հարուստ եմ իմ թագավորից:

– Դո՛ւ էլ խոսիր, տեսնենք, – դիմում է երրորդին:

– Ես, – ասում է երրորդը, – ո՛չ ոսկի ու արծաթ, ո՛չ արտ ու արոտ, ո՛չ մի ունեցվածք էլ չունեմ. ես գիտուն մարդ եմ, իմ ունեցածը գլխունս է:

– Այս գիտուն մարդը ձեր երկուսից ավելի հարուստ է.

նրա հարստությունը ո՛չ կարող եք տեսնել և ո՛չ կարող եք խլել, – ասում է Խիկար Իմաստունն ու նրանց վեճը լուծում:





Հարցեր և առաջադրանքներ

1. Խիկար Իմաստունը երեք ընկերներից ո՞ւմ համարեց ամենից հարուստը. ինչո՞ւ:
2. Ի՞նչ է սովորեցնում այս հեքիաթը:

թագ
թագավոր
թագուհի



Դասարանում կարդացե՛ք «Խելացի տղան» պատմությունը:



Ասպիւծքներ

- Ինչքան իմանաս, մի՛ սաս՝ բավ է, Թե շատ իմանաս, ավելի լավ է:
- Գիտելիքը ուժ է:
- Գիտությունը մարդու ամենալավ օգնականն է:
- Կյանքում խելքն ավելի կարևոր է, քան ուժը:

Կարդա՛ և որոշի՛ր՝ յուրաքանչյուր բառ քանի՞ հնչյուն և քանի՞ տառ ունի.



ելակ, եղնիկ, երեկո, երեք.

ոսկի, ոզնի, ոսկոր, ոսպ:



Նիշո՞ւմ ես, որ...



լակ



զնի

Բառասկզբում

ե = յ + է ,

ո = վ + օ :

Ուշադրություն.

ով
ովքեր
ո = օ

1.


Արտագրի՛ր՝ կետերի փոխարեն գրելով **եմք** կամ **եք**.

Ողջույն ուսուցչին

*Ողջունում սրտագին,
Ուսուցիչ՝ մեր թանկագին,
Դուք ժպիտ պարզևում
Ու ջերմ խոսքեր շնջում:*

*Լույսի շողեր տալիս
Դուք Ձեր ուշիմ սաներին,
Մենք նայում Ձեզ ինչպես
Ծաղիկները արևին:*

Ուշադրություն.



Ն. Միքայելյան


2.

Երագ, երկինք, որդի, ողկույզ բառերով կազմի՛ր բառակապակցություններ և դրանք գործածի՛ր նախադասությունների մեջ:

3.

Տրված անուններն իրար միացնելով՝ կազմի՛ր նոր անուններ և գրի՛ր ճիշտ ուղղագրությամբ (կարող ես կազմել 8 նոր անուն): Աղջկա և տղայի անունները գրի՛ր առանձին սյունակներով:

Օրինակ՝ **Արամ + Աշոտ = Արամաշոտ:**



Թեմայի ամփոփում

Տարիների խրատներից



Մտերմիկ խրատ


Լսի՛ր, սիրուն իմ ժիրիկ,
Խրատը այս մտերմիկ.
Ժամանակդ խնայի՛ր,
Օրվա հաշիվը պահի՛ր:
Խաղի ժամին իսնչ արա,
Վազվզի՛ր ու թռվո՛ւս՝
Մակայն երբ որ կգաս Կրուն,
Եւ՛ է հային հայ պահուն:

Բաց դասագիրքդ իսկույն :
Դասերդ լս'վ սովորիր,
Գիրն ու գիրքը շա՛ր սիրիր,
Սիրի՛ր լեզուն մեարտայան՝
Մեր մայրենին աննման.
Նա գանձն է մեր մնայուն,
Նա՛ է հային հայ պահուն:

Սիլվա Կապուտիկյան

1. Ո՛վ է հայ ժողովրդի առաջին ուսուցիչը. ինչո՞ւ:
2. Դու ի՞նչ պետք է անես, որ Մեարտայ Մաշտոցի արժանի թոռնիկը լինես:
3. Բացատրի՛ր հետևյալ ասացվածքները.
 - Գիրքը մեր լավագույն բարեկամն է.
 - Գիրքը անսահման հարստություն է.
 - Ամենալավ խաղալիքը միտքն է,
Ամենալավ ուղեկիցը գիրքն է:
4. Ի՞նչ քանաստեղծություններ գիտես գրքի մասին. ար-
քասանի՛ր դրանցից մեկը:
5. Ո՞րն է քո ամենասիրելի գիրքը. ինչո՞ւ?
6. Նկարագրի՛ր՝ ինչպիսի՞ն է քո ուսուցիչը:
7. Արդասանի՛ր ուսուցին նվիրված քո իմացած քանաս-
տեղծություններից մեկը:

Մ Ե Ռ Տ ՈՐ Ն Ը



Նկարեցի
Մի մեծ արև,
Կապույտ երկինք,
Կանաչ տերև,
Մի աղավնի՝
Ճերմա՛կ - ճերմա՛կ,
Մի քարե փուն,
Մի կանաչ բակ,
Հետո՝ քույրիկ,
Մի լավ մայրիկ,
Մի լավ հայրիկ,
Իսկ վերջում էլ՝
Մի քաջ զինվոր,
Որ պահպանի
Այդ բոլորը
Գիշեր ու զոր:

Հայրս դաշտից տուն եկավ

Երեկոյան, երբ մութն ընկավ,
 Վար ու ցանքից հայրս եկավ.
 Ուսին ամպի արցունք բերեց,
 Ծիլ ու ծաղկի բուրմունք բերեց,
 Առվի զուլալ կարկաչ բերեց,
 Հոփի նվագ ու կանչ բերեց,
 Թռչունների դայլայլ բերեց,
 Աստղերի խինդ ու փայլ բերեց,
 Բերեց անափ՝ ուրախություն,
 Հայրական սեր ու բարություն...
 Ինչե՛ր ասես, որ չբերեց,
 Բերե՛ց, մեր տունը շենացրեց²:



¹ անափ – անսահման

² շենացնել – այստեղ՝ շեն՝ հարուստ և ուրախ դարձնել



Հարցեր և առաջադրանքներ

1. Փոքրիկի հայրը դաշտից ինչե՛ր բերեց ու շենացրեց տունը:

2. Դո՛ւ ինչ ես զգում, երբ հայրիկդ տուն է գալիս. պատմի՛ր:




Բանաստեղծության մեջ գրի՛ր պատկերավոր արդա-հայտություններն ու գեղեցիկ բառակապակցությունները և գրի՛ր զիրք-տեղրում:



Ասացվածք

Աշխարհի մեջ ամեն ինչ կարող ես ձեռք բերել՝ բացի ծնողներից:



Տարիկի խրատներից



Նայրը տան սյունն է:

Փոքրիկս, հետևի՛ր հայրիկիդ խորհուրդներին:

Որոշի՛ր, թե հետևյալ բառերում **ւ**-ը քանի՛ հնչյունի նշան է. գրի՛ր առանձին սյունակներով.

*եղևնի, սերկևիլ, Եվգենե, հարևան, Եվրոպա, նակ, թեև, եղևա-
նի, Տաթև:*

Օրինակ՝	$ւ = է + վ$	$ւ = յ + է + վ$
	<i>եղևնի</i>	<i>նակ</i>

Այս բառերից երեքը գործածի՛ր նախադասությունների մեջ:

Խաժակ Գյուլնազարյան

Բարի լո՛ւյս, մայրի՛կ

I



Ես մեր բակի ամենալավ Գեղամն եմ: Ասենք, մեր բակում միայն մի Գեղամ կա: Մի Գեղամ կա, երկու Ռուբիկ, մի Ռուդիկ, չորս Արա՝ աղջիկներին չհաշված:

Ես ամեն օր մայրիկիս ասում եմ.

– Բարի լո՛ւյս, մայրի՛կ:

Նա համբուրում է ինձ, հետո կաթ է տալիս, կամ... ձկան յուղ: Կաթը լավ է, ձկան յուղը՝ վատ, այնքան վատ, որ ես առավոտները չեմ ուզում արթնանալ: Ասենք, արթնանում եմ, բայց աչքերս փակում եմ, որ մայրիկը չիմանա:

Ես մեր բակի ամենալավ Գեղամն եմ: Մայրիկն ամեն օր այդպես է ասում ինձ՝ ձկան յուղ խմեցնելիս: Ես էլ ձկան յուղը խմում եմ, քանի որ մայրիկս այդպես է ասում...

Ես ափսեմ կոտրեցի: Բանն այն է, որ մեջը մուրաբա կար: Ասացի, թե փիսոն է կոտրել: Մայրիկը հավատաց. մայրիկն ամեն

ինչի հավատում է:

– Վատ է, – ասաց, – փիսոյին պետք է տնից քշել:

Քշեց: Քնեցինք:

– Բարի լո՛ւյս, մայրի՛կ, – առավոտյան ասացի մայրիկիս:

Նա համբուրեց ինձ, հետո ձկան յուղը բերեց.

– Դու մեր բակի ամենալավ Գեղամն ես, – ասաց:

Ձկան յուղը խմեցի: Իսկ փիսոն չկար. մայրիկը նրան դուրս

էր արել:

– Դու խաղա՛, – ասաց մայրիկը, – ես գնում եմ շուկա:

Գնաց:

2

Մենակ հետաքրքիր չէր: Խաղացի, ձանձրացա, հետո բակ գնացի:

Տղաներն ինձ քշեցին:

– Փոքրիկ ես, – ասաց մի Արա:

– Ոտքի տակ մի՛ ընկնի, – ասաց մի Ռուբիկ:

Գնացի տուն: Յետո դրսում անձրև եկավ: Տղաները բակից հեռացան: Իսկ փիսոն թրջվեց. մայրիկը նրան դուրս էր արել...

Տխրեցի:

Ամբողջ գիշեր անձրև էր գալիս, իսկ ես մտածում էի ավստի մասին, որի մեջ, հակառակի նման, մուրաբա կար. դրա համար էլ ընկավ, կոտրվեց...



Մտածում էի, և լացս գալիս էր: Քնում էի, իսկ փիսոն երագունս գալիս նստում էր անկյունում, թաթով սրբում էր աչքերն ու տխո՛ւր-տխո՛ւր մլավում...

Առավոտյան մայրիկիս ասացի.

– Բարի լո՛ւյս, մայրի՛կ:

Նա ձկան յուղը բերեց.

– Դու մեր բակի ամենալավ
Գեղամն ես:

– Ո՛չ, մայրի՛կ, – ասացի, –
փիսոն մեղք չունի. ասեսն ես եմ
կոտրել. մեջը մուրաբա կար...

Մայրիկը համբուրեց ինձ.

– Ապրե՛ս, որ ասացիր. էլ
այդպիսի բան չանես:

– Փիսոն...

– Կբերենք, – գոհ ժպտաց
մայրիկը:

Փիսոյին տուն բերեցինք: Որ

իմանաք, թե ինչքա՛ն լավ է: Ամեն առավոտ մայրիկիս ասում եմ.

– Բարի լո՛ւյս, մայրի՛կ:

Նա բերում է ձկան յուղը.

– Դու մեր բակի ամենալավ Գեղամն ես:

Փիսոն անկյունում խաղում է իմ թավշյա՝ արջուկի հետ...



Թավշյա - թավշից՝ նուրբ՝ փափուկ խավ
ունեցող կտորից պատրաստված

անչրե
անչրեել



Հարցեր և առաջադրանքներ

1. Գեղամը ինչո՞ւ էր հուզվում և տանջվում ամբողջ գիշեր:
2. Նա ե՞րբ հանգստացավ. ինչո՞ւ:
3. Մայրիկը ինչո՞ւ գոհ ժպտաց:
4. Քեզ հետք երբևէ այդպիսի դեպք պատահե՞լ է. պատմի՛ր
կամ հորիմի՛ր նման մի պատմություն:



Հանրույն

Մուշրակ ունի շատ փափուկ,
Տեղ է փնտրում միշտ տաքուկ:



Իսկ դու կարո՞ղ ես քո մասին ստել.

Ես նշմարդասխոս եմ:

Ես չեմ վահեւելուս իմ սխալը խոստովանելուց:

այո՛ ո՛չ



Նիշո՞ւմ ես, որ...

Բառասկզբում է լսելիս գրում ենք է:

Բառամիջում և բառավերջում է լսելիս գրում ենք ե:




էջ, էկրան, էմին, էջմիածին.

գիշեր, ափսե, Գեղամ, կոտրել:



Ուշադրութ՞յուն.



1.	Գրի՛ր բառասկզբի է և բառամիջի (ե) ունեցող 5-ական բառ: Երկուական բառ գործածի՛ր նախադասությունների մեջ:												
2.	Ամբողջացրո՛ւ նախադասությունները՝ օրինակի պես.												
	<table border="0"> <tr> <td>Ոչխարը մայում է:</td> <td>Գայլը ...</td> <td>:</td> </tr> <tr> <td>Կատուն ...</td> <td>Այծը ...</td> <td>:</td> </tr> <tr> <td>Ծունը ...</td> <td>Ձին ...</td> <td>:</td> </tr> <tr> <td>Կովը ...</td> <td>Առյուծը ...</td> <td>:</td> </tr> </table>	Ոչխարը մայում է:	Գայլը ...	:	Կատուն ...	Այծը ...	:	Ծունը ...	Ձին ...	:	Կովը ...	Առյուծը ...	:
Ոչխարը մայում է:	Գայլը ...	:											
Կատուն ...	Այծը ...	:											
Ծունը ...	Ձին ...	:											
Կովը ...	Առյուծը ...	:											

Երգ մայրիկիս

Երկինքն իմն է
Իր կապույտով,
Երբ մայրիկիս
Աչքերը կան,
Ու ժպտում եմ
Մեղմ ժպիտով
Մթնշաղի
Աստղերն անգամ:

Գարունը ինձ
Ջերմ գրկում է,
Երբ մայրիկիս
Ձեռքերը կան,
Եվ զով հովը
Մեղմ շոյում է,
Երբ մայրիկիս
Երգերը կան:

Իմ երգի մեջ
Ամառ-ձմեռ
Երջանկության
Աղբյուրը կա,
Միշտ գարուն է
Սրտիս համար,
Երբ մայրիկիս
Յամբույրը կա:



երգ
երգիչ
երգչուհի



Հարցեր և առաջադրանքներ

1. Մայրիկը ինչպե՞ս է իր սերն ու ջերմությունը հաղորդում իր բալիկին:
2. Գրողը ինչերի՞ հետ է համեմատում մայրիկի **աչքերը**, **ձեռքերը**, **երգերը**, **համբույրը**. կարդա՛ այդ տողերը:
3. Անգի՛ր սովորի՛ր այս գողտրիկ բանասարեղծությունը և արտասանի՛ր սիրո՛վ ու ջերմությա՛նք:



Կազմիր բառակապակցություններ և կարդա՛.

ջերմ
մեղմ
անուշ
քնքուշ

գրկել

շոյել

ժպտալ

համբուրել

երգել

Դրանցից երեքը գործածիր նախադասությունների մեջ:

Կարդա՛ ոտանավորը և ասա՛, թե բառերի սկզբում ինչո՛ւ է **ե** գրված.



Երանիկը
Երկինք թռավ
Երազուն
Ու **ե**րբ զարթնեց,

Երանիկը



Նա **ե**ղբորն էր
Համոզում,
Թե **ե**րկնքից
Աստղ է բերել
Իր հետ տուն:
Գ. Գաբրիելյան



Նիշո՞ւմ ես, որ...

Բառասկզբում **յէ** լսելիս գրում ենք **ե**:

«**Երգ մայրիկիս**» բանաստեղծությունից արտագրի՛ր **ե**-ով սկսվող բառերը և գործածի՛ր նախադասությունների մեջ:

Փ. Աթրե

Մայրիկի հաշիվը

1

Դինու անունով մի հնդիկ տղա կար: Նրա հայրը նշանավոր բժիշկ էր: Դինուն երբեմն տեսնում էր, թե նա ինչպե՛ս էր դեղեր տալիս հիվանդներին ու հաշիվ գրում: Ու մի օր տղան հարցրեց.



– Զայրի՛կ, ի՞նչ է հաշիվը:

Զայրը վերցրեց սեղանի վրա դրված հաշիվներից մեկը և տվեց որդուն:

Դինուն կարդաց. «Միվանդ Ջոնը պարտք է ինձ՝ երկու այցելության համար՝ 6 ռուբլի¹, երեք սրսկման համար՝ 9 ռուբլի, դեղերի արժեքը՝ 5 ռուբլի. ընդհանուր գումարը՝ 20 ռուբլի»:

Զայրիկի հաշիվը Դինունին շատ դուր եկավ: Ամբողջ օրը նա այդ մասին էր մտածում:



Զաջորդ օրը Դինուի մայրը հիվանդացավ: Տան բոլոր գործերը մնացին: Զենց որ Դինուն դպրոցից վերադարձավ, անմիջապես գործի անցավ. ափսեները լվաց, փոքր եղբորը խնամեց, խանութ գնաց: Գիշերը, երբ պատրաստվում էր քնելու, որոշեց կազմել այդ օրը մայրիկի համար կատարած գործերի հաշիվը: Մի թուղթ վերցրեց ու գրեց. «Մայրիկը ինձ պարտք է ափսեները լվանալու համար՝ 1 ռուբլի, փոքր եղբորս խնամելու համար՝ 2 ռուբլի, խանութ գնալու համար՝ 1 ռուբլի. ընդհանուր գումարը՝ 4 ռուբլի»: Զետո նա այդ հաշիվը կամացուկ դրեց մայրիկի բարձի վրա և գնաց քնելու:

2

Զաջորդ օրը՝ առավոտյան, Դինուն իր բարձի վրա 4 ռուբլի գտավ: Ուրախությամբ չափ չկար, որ մայրը վճարել էր իր կատարած աշխատանքի համար: Սակայն նկատեց, որ դրա հետ մի թուղթ էլ կար: Դինուն բաց արեց թուղթը և տեսավ, որ մայրն էլ

իրեն էր հաշիվ գրել. «Դինուն ինձ պարտք է՝ մասնկությունից մինչև հիմա իրեն պահելու և խնամելու համար՝ **ոչինչ**, հիվանդ ժամանակ անցկացրած անքուն գիշերների համար՝ **ոչինչ**, կատարած բազմաթիվ չարությունների ու գժությունների համար՝ **ոչինչ**. ընդհանուր գումարը՝ **ոչինչ**»:

Դինուի աչքերը լցվեցին արցունքով: Նա ամոթից կարմրեց և անմիջապես վազելով մոր մոտ՝ փաթաթվեց նրան:

– Սիրելի՛ մայրիկ, աղաչո՛ւմ եմ, ների՛ր ինձ, որ քեզ հիմար հաշիվ էի գրել, – արցունքների միջից ասաց նա և չորս ռուփին վերադարձրեց մորը:

– Հանգստացի՛ր, որդի՛ս, հիմա արդեն իմ հաշիվն էլ փակվեց, – ասաց մայրը՝ համբուրելով իր սիրելի Դինուին:

Ռուփի – հնդկական դրամ

համբույր
համբուրել



Հարցեր և առաջադրանքներ

1. Դինուն ինչի՞ մասին հաշիվ գրեց մայրիկին. նա ճիշտ վարվեց:
2. Մայրը ինչպե՞ս ուղղեց որդու սխալը:
3. Ի՞նչ է սովորեցնում այս դասը:
4. Համատար պարմի՛ր պարմության մասերի բովանդակությունը և վերնագրի՛ր դրանք:



Տանը կարդա՛ «**Երբ հիվանդ է մայրիկը**» պարմությունը:



Ասացվածքներ

- Հասկացողին մի՛ն ասա,
Չհասկացողին՝ հազար ու մի՛ն:
- Ով որ իր մեծի խրատը լսի,
Իր գործերի մեջ միշտ կհաջողի:

Տարիկի խրատներից



Մայրական սիրտն ամեն ինչ ներում է:
Փոքրիկս, մի՛ վշտացրու մայրիկիդ. մի՛ կոտրիր նրա սիրտը:

1.

Տրված երկու շարք բառերի միջից գտի՛ր իրար հակառակ իմաստ ունեցող բառերը և գրի՛ր օրինակի պես.

- չար, շատ, վերցնել, գիշեր, մոտ, վրա, հիմար, բացել, քնել, ուրախություն, հիվանդ.
- առողջ, դնել, հեռու, տակ, ցերեկ, փակել, արթնանալ, տխրություն, բարի, քիչ, խելացի:

Օրինակ՝ վերցնել - դնել:

2.


Արտագրի՛ր՝ համապատասխան բառը գրելով.

Գարնանային (պայծառ, մռայլ) առավոտ էր: Արևը փայլում էր (ջինջ, ամպամած) երկնքում: Թռչուններն (ուրախ, տխուր) ձռվողում էին անտառում:

Փոքրիկ եղնիկը (մտավ, դուրս եկավ) անտառից: Նա զգույշ (մոտեցավ, հեռացավ) աղբյուրին, որ բխում էր լեռան (գա-գաթից, ստորոտից): Նա խմեց աղբյուրի (տաք, սառնորակ) ջրից ու նորից վազեց անտառ:



Խաչարտ



Պարվական Խաչարյան

Իմ հերոս պապը

Մի նկար է ժպտում պատից՝
Այնպե՛ս ջահել, այնպե՛ս սիրուն,
Բայց արի տե՛ս՝ ապրել է նա
Ընդամենը քսան գարուն:

Նա իմ պապն է եղել բարի,
Ափսո՛ս, նրան ես չեմ տեսել.
Տատս է միայն, արցունքն աչքին,
Նրա մասին հեքիաթ ասել:

Ընկել է նա որպես հերոս՝
Պաշտպանելիս հողն հայրենի.
Ա՛խ, չլիներ պատերազմը՝
Ես էլ պապիկ կունենայի:



ընդամենը
ընդհանուր



Հարցեր և առաջադրանքներ

1. Ո՛ւմ նկարն է պարից կախված, և ինչո՞ւ է նա ապրել ընդամենը քսան տարի:
2. Թողնիկն ինչի՞ համար է ափսոսում:
3. Ի՞նչ միտք է արտահայտված վերջին քառատողի մեջ:
Դասարանում կարդացե՛ք «Կորչի՛ կռիվը» պատմությունը:




Ասացվածք

Պարերսզմը չարիք է:



Ծարունակիք.



Պատիկի խրատներից

Չայրենիքիդ համար մի՛ խնայիր ո՛չ ուժդ, ո՛չ կյանքդ:



Նիշո՞ւմ ես, որ...

Բառասկզբում **օ** լսելիս գրում ենք **օ**:

Բառամիջում և բառավերջում **օ** լսելիս գրում ենք **ո**:



օժառ, օգնել, օր, Օշական.



հող, հերոս, երեկո, զինվոր:

Գրի՛ր բառասկզբի **օ** և բառամիջի (**ո**) ունեցող 5-ական բառ:

Երկուական բառ գործածի՛ր նախադասությունների մեջ:

Ըստ Զարուհի Գալենքարյանի



Մեծ մայրիկի նամակը

Հայեպ

7 սեպտեմբերի, 2009թ.

Անուշի՛կ թոռնիկս,

Երեկ սրապա նամակը: Որքա՛ն փառքը խոսվեր էիր ուղարկել, և որքա՛ն կարոք կար նամակիդ մեջ:

Նի՛մեն օր լուսանկարիդ առգև խոսում եմ՝ փեյ հեյք և օրհնում եմ՝ փեյ ու մայրիկիդ: Նի՛մեն վայրկյան ինչ հեյք ես, անուշի՛կս: Նիչն օրվանից, որ բաժանվեցի փեյա-

ներ, ավելի շար և՛ սիրում քո գարիժի փղաներին:

Ինչ անիմ Մեզրանը: Իհրում և՛ հայրը անգործ էր մնացել: Մի օր ինըրեցիք, որ Եերմակ շապիկներիցը մեկը Մեզրանին փոխե քանձ՝ որովհետև այդ օրը մարմնամարչության դաս ուներ, իսկ մայրը ժամանակ չէր ունեցել լվանալու փղացի շապիկը:

- մե՛ծ մայրիկ, - ասացիք, - մաքուր փղա է, չի կեղտոտի. միայն մեկ ժամ պիտի հագնի ու վերադարձնի:

- Ըսվ չի՞ լինի, որ այս շապիկը Մեզրանին քանձ. դու ուրիշ երկու հար էլ ունես, - ասացի ևս:


Ուրախությունից ցարկոտեցիր և ինչ փաթաթվեցիր երգանկությունը:

- Մեն՛չ սիրոք, - ասացիր ինչ, - որքան և՛ սիրում քեզ: մեծացի՛ր, սիրելի՛ս, մեծացի՛ր այդ բարի ու անուշ զգացումներով:



Ընդր համրուրներով մեծ մայրիկը

Վոխ տալ – այստեղ՝ ժամանակավորապես
օգտագործելու տալ



Ծիծեռնակն ու ծիտիկը



Դրսում արդեն աշուն է խոր,
Մերկացել են անտառ ու ձոր:
Քամին անվերջ փչում, գալիս,
Ձմռան ճամփին ծափ է տալիս...
– Վա՛յ, ճի՛կ, ճի՛կ, ճի՛կ, չվեմ գնամ,
Այս ի՛նչ ցուրտ է, ո՞նց դիմանամ, –
Ասաց, թռավ մի ծիծեռնակ՝
Թողած բույնը, տանիք ու բակ:
Բայց անտառում հանկարծակի
Չանդիպեց նա մի ծիտիկի.
– Վա՛յ, ճի՛կ, ճի՛կ, ճի՛կ, անո՛ւշ քույրիկ,
Ո՛չ շոր ունես, ո՛չ ուտելիք.
Արի գնա՛նք, տաք է հեռվում,
Կսառչես դու այս անտառում...
Ծիտիկն ասաց.
– Ծի՛վ, ծի՛վ, ծի՛վ, ծի՛վ,
Քույրեր ունեն այստեղ անթիվ,
Ես նրանցից հո ավե՞՛լ չեմ
Կամ անտառից ինչո՞ւ փախչեմ:


Այս է տունը իմ հայրենի,
Այս է բույնը իմ մայրենի:
Այստեղ են ես թևեր առել,
Այս ծառին են եկել թառել.
Թեկուզ սառած ընկնեն ծառից,
Չեն հեռանա այս անտառից:






Հարցեր և առաջադրանքներ

1. Ծիծեռնակը ինչո՞ւ էր ուզում չվել:
2. Նա ի՞նչ առաջարկեց ծիլիկին. ինչո՞ւ:
3. Ծիլիկը ինչո՞ւ չուզեց հեռանալ անդառից:
4. Նավանեցի՞ր ծիլիկի պարասխանը. ինչո՞ւ:
5. Այս որսնավորը կարդացե՞ք դերերով (**հեղինակ, ծիծեռնակ, ծիլիկ**):



Հանրույններ

Երկու սիրուն աչիկ ունի,
Մկրարաձև պոչիկ ունի,
Կուրծքն սպիտակ կաթի նման,
Թևերը սև՝ սաթի նման:



Մի թռչուն կա շուրջ չվող,
Արևոտ գարունը բերող.
Թռչելիս է որս անում,
Մարդկանց մոտ է բույն շինում:

Թռչունների հանած ձայները

Ճնճողուկը *ճռվողում է:*
Սոխակը *դայլայլում է:*
Նավը *կչկչում է:*

Ագռավը *կոկոում է:*
Արագիլը *կափկափում է:*
Ծիլը *ծվվում է:*

Ուտանավորի միջից գտի՞ր հետևյալ բառերի հակառակ իմաստն ունեցող բառերը և գրի՞ր դեմ դիմաց.

ներս, գնալ, ամառ, ցուրտ, մոտ, տգեղ, մոտենալ, սև, ուշ, տաք:

Դրանցից երկու գույզը գործածի՞ր նախադասությունների մեջ:

Երկու ծաղիկ



Երկու ծաղիկ՝
 Մեկը՝ սարից,
 Մեկն՝ անտառից,
 Ծաղկամանում
 Խոսում էին ու կարոտում՝
 Մեկը՝ սարին,
 Մեկն՝ անտառին:

– Ես իմ սարի հովն եմ սիրում...
 – Ես անտառի զովն եմ սիրում...
 – Կարոտել եմ սարալանջին,
 Աղբյուրների երգ-կարկաչին...
 – Կարոտել եմ թավ անտառին,
 Ամեն թփին, ամեն ծառին...
 – Արի գնա՛նք, արի գնա՛նք՝
 Ես՝ իմ ծաղկած սիրուն սարը,
 Դու՝ քո սիրած թավ անտառը...
 – Թևեր չունենք, ինչպե՞ս գնանք:
 – Փուլթ չէ, եթե ճամփին մնանք:
 – Գնա՛նք, գնա՛նք...

Երկու ծաղիկ՝
 Նուրբ ու քնքուշ,
 Ծաղկամանից ելան զգույշ
 Ու գնացին՝
 Մեկը՝ դեպի ծաղկած սարը,
 Մեկը՝ դեպի թավ անտառը...

¹թավ - խիտ

²փուլթ չէ - հոգ չէ, պետք չէ անհանգստանալ

Զաղիկ
 Զաղկել
 Զաղկաման



Հարցեր և առաջադրանքներ

1. Ի՞նչ ծաղիկներ են պատկերված նկարում. դրանցից ո՞րն է անսրառում սպրում, ո՞րը՝ դաշտում:
2. Երկու ծաղիկներից յուրաքանչյուրը ինչի՞ն էր կարողություն. կարդա՛ այդ տողերը:
3. Ծաղիկները ի՞նչ որոշեցին. ինչո՞ւ:
4. Դու ի՞նչ կզգայիր և ինչպե՞ս կվարվեիր, եթե քո ծնողներից և ձեր տնից հեռու լիներիր:
5. Այս ուրանավորը արտասանեցե՞ք դերերով:



Կազմիր բառակապակցություններ և կարդա՛.

նուրբ	→	ծոր
թավ	→	ծաղիկ
քնքուշ	→	դաշտ
խոր		սար
բարձրիկ		անտառ
ծաղկած		



Հանություններ


Դաշտի զարդն է,
Գույնը՝ ա,
Ամեն այգին՝
Մի սև խալ:



Չանգակներ են
Կլորիկ,
Եվ բույր ունեն
Անուշիկ:



Խաչբառ



Կարդա՛ այս բառերը և ուշադրություն դարձրու բառակազմը և **ը**-ի արտասանությանն ու գրությանը.



ընկեր, **ը**նտանիք, **ը**մպել, **ը**մբռնել.



սկիզբ, գրոսնել, զգույշ, սպասել:



Գիտե՞ս, որ...

Բառակազմում **ը**-ն գրվում է **և** և **ւ** բաղաձայններից առաջ:

Ուշադրություն.

ըստ

1.	Տրված բառակապակցությունները գործածի՛ր նախադասությունների մեջ.
	<i>փափուկ սպունգ, հաճելի զրոսանք, զգաստ կանգնել, հեքիաթի սկիզբ, զգույշ մոտենալ:</i>
2.	Տրված բառերը գրի՛ր առանձին սյունակներով՝ ըստ օրինակի.
	<p><i>ընկույզ, սկսել, զրոսնել, ընկնել, ըմպանակ, ըմբռնել, սպիտակ, շտապել, ընտրել, ստուգել, զգալ, ընդունել:</i></p> <p>Օրինակ՝ <u>ընտրել</u> <u>զգալ</u></p>
3.	Տրված անունների և ազգանունների մեջ գտի՛ր ուրիշ անուններ և գրի՛ր ճիշտ ուղղագրությամբ.
	<p><i>Իշխանուհի, Հրանուշ, Հայարփի, Պերձուհի, Վարդանյան, Գևորգյան, Արծրունի, Սիրվարդ, Արամայիս, Կարապետյան, Տեր-Գաբրիելյան, Տեր-Գրիգորյան:</i></p> <p>Օրինակ՝ Տեր-Գաբրիելյան – Գաբրիել:</p>

Թեմայի ամփոփում

Հովհաննես Շիրազ

Քամին ու մանուշակը

Քամին ասաց մանուշակին.
-Արի տանեմ քեզ այստեղից,
Տանեմ ծովեր՝ ջինջ, լուսեղեն:
Ծաղիկն ասաց.- Ես կմեռնեմ,
Եթե կտրես ինձ մայր հողեն:

Չհավատաց կարծես քամին,
Կտրեց տարավ ծաղիկն անգին,
Բայց նույն պահին իր ձեռքի մեջ
Մեռած տեսավ մանուշակին:

1. Պատրմիր Հովհաննես Շիրազի «Քամին ու մանուշակը» քանասարեկեծության բովանդակությունը:

2. Մանուշակը ինչու՞ թառամեց մայր հողը ի՞նչ էր նրա համար:

3. Այս իսմբի դասերից հայրենի տան մասին ի՞նչ սովորեցիր. ի՞նչ է տունը մեզ համար:

4. Ինչու՞ են ընտանիքի բոլոր անդամները թանկ ու սիրելի. հիշիր «Բոլորից շար բոլորին եմ սիրում» պատմությունը:

5. Ընտանիքի մասին դասերից ո՞րն ավելի շար սիրեցիր. ինչո՞ւ: Համատար պատմիր դրա բովանդակությունը:

6. Գրի՛ր մի փոքրիկ պատմություն՝ «**Երբ որ փանն են բոլորը**» վերնագրով՝ օգտվելով տրված նկարից, հարցերից և բանականացություններից (կարող ես գրել քո ընտանիքի մասին)։


աշնանային տաք օր, գույնզգույն տերևներ, անուշ դալլալլ, դաշտային ծաղիկներ, գեղեցիկ ծաղկեփունջ, հանգիստ քնել, ճաշի սեղան, անուշիկ տատիկ, սիրելի պապիկ, հոգատար թռռնիկներ, համերաշխ ընտանիք...

Հարցեր

1. Տարվա ո՞ր եղանակն է նկարագրի՛ր:
2. Քանի՞ հոգուց է բաղկացած ընտանիքը:
3. Ինչո՞ւ են զբաղված ընտանիքի անդամները:
4. Ուրիշ ի՞նչ ես տեսնում նկարի մեջ:
5. Ինչպիսի՞ ընտանիք է:



ՈՍԿԻ ԱՇՈՒՆ



Աշուն է իջել հայոց լեռներին,
Շքեղ մասրենին այնպե՛ս է բուրում,
Որ Մասիսներից ճերմակ ձյունների
Բուրմունքն է բերում...



Աշուն

Մեր սարերով եկար,
Այգիներով նախշուն,
Մեր խնդությո՞ւն անմար,
Մեր սիրելի՛ աշուն:

Տերևները գույն-գույն
Թիթեռնիկներ դարձան,
Ու երկնքով կապույտ
Կռուկները անցան:

Շուրջը իջավ մշուշ,
Ճամփին քամին պարեց,
Ու դաշտերին փոշոտ
Բարակ անձրև մաղեց...



նախշ
նախշել
նախշուն



Հարցեր և առաջադրանքներ

1. Նկարագրի՛ր աշնանային բնությունը՝ ըստ ուրանալո-րի:
2. Բանաստեղծը ինչերի՞ է նմանեցնում աշնանային տերևները ինչո՞ւ:
3. Վերհիշեցե՛ք «Աշուն» երգը և երգեցե՛ք դասարանում:



Կազմիր ճի՛շտ բառակա-պակցություններ.

գույն-գույն
կապույտ
նախշուն
փոշոտ
անձրևոտ
բարակ

անձրև
այգի
ճամփա
երկինք
տերև
օր



Հաներոն

Իր բարձրիկ տեղից
Աշնան է միայն
Իջնում նա հողին,
Երբ նրա կանաչ
Ժպիտն է դառնում
Տխուր ու դեղին:

Գրի՛ր 5 բառ, որոնց սկզբում **ը**-ն լսվում և գրվում է, և 5 բառ, որոնց սկզբում **ը**-ն լսվում, բայց չի գրվում:

Օրինակ՝ ընկույզ | սպիտակ

Լիպարիփ Սարգսյան

Աշնան այգին

Այգին, աշնան այգին՝
Տաք գույներով, բույրով,
Գիրկն է կանչում կրկին
Յազար հրապույրով՝:

Կա՛թ-կա՛թ՝ տանձն է կաթում՝
Շեկ այտերին ցողիկ,
Ընկույզներն են՝ տո՛ւկ-տո՛ւկ,
Ընկնում խոնավ հողին:



Փշատն է ծիկ անում,
Ալրոտ են աչք և ունք,
Շաղն է նստել դեղձի
Դեմքին՝ հուլո՛ւնք, հուլո՛ւնք:

Տերևների քողով
Նուռն է դեմքը փակում
Ու կանչում է.– Քաղվո՛ր,
Յասի՛ր, սիրտս է ճաքում:

Իսկ այգեպան քեռին
Քայլում է գոհ և լուռ.
Խնդություն² է համակ³
Նրա սիրտը մի բուռ:

¹ հրապույր - գրավիչ՝ գեղեցիկ լինելը

² խնդություն - ուրախություն

³ համակ - ամբողջովին



Հարցեր և առաջադրանքներ

1. Բանաստեղծը ի՞նչ պատկերներով է նկարագրում հասած մրգերը:
2. Ինչո՞ւ է այգեպանը գոհ և ուրախ. ինչի՞ շնորհիվ է այգին այդքան բերքառատ:



Ըստ բանաստեղծության՝ նկարի՞ր մրգի քո հավանած պատկերը:




Հաներուհներ

Փայրիկը փաշած չէ,
Այուրը մատած չէ.
Կարմիր շապիկն էլ
Ձեռքով կարած չէ:



Կլոր բույն է,
Չունի դուռ,
Մեջը հուլունք
Կա մի բուռ:

Կլորիկ չեմ ինձորի պես,
Կարթող մեղրի ձև ունեմ ես.
Պարուղ եմ ես՝ համեղ, անուշ.
Ասա՛ անունս, Սիրանո՛ւշ:



Ասա՛ ծառի անունը.



դեղձ
փանձ
փշաք



խաղող - որթատուրենկ
ձիթապտուղ - ձիթենի

մասուր
նուռ
ընկույզ
նուշ
թուփ



Տրված երկու շարք բառերի միջից գտի՛ր իմաստով մոտ բառերը և գրի՛ր՝ օրինակի պես.

- տաք, բույր, կրկին, շեկ, համակ, ցող, խոնավ, խնդություն, փակել, փոքրիկ, նախշուն, ժրաջան, մշուշ.
 - գույն-գույն, ուրախություն, աշխատասեր, մառախուղ, շոգ, նորից, կարմիր, հոտ, ամբողջովին, շաղ, ծածկել, թաց, պատիկ:
- Օրինակ՝ մշուշ - մառախուղ:



Ըստ Էմիլյա Օհանյանի

Աշուն

1

– Աշո՛ւն է, աշո՛ւն, – երգում է բնությունը:

Աշնան երեք ամիսները՝ սեպտեմբերը, հոկտեմբերը, նոյեմբերը, հերթով հաջորդում են միմյանց:

– Ինձանով է սկսվում աշունը. իմ առաջին օրը՝ սեպտեմբերի մեկին, բոլոր դպրոցականները շտապում են դպրոց, – հպարտանում է սեպտեմբերը:

Սեպտեմբերին այգիներն ու դաշտերը լցվում են բերք ու բարիքով և ժպիտով հրավիրում մարդկանց՝ վայելելու դրանք:

Չվող թռչունները հրաժեշտ են տալիս իրենց հարազատ վայրերին. չէ՞ որ աշնանը միջատներն ու որդերը թաքնվում են, և պակասում է թռչունների կերը:

Սեպտեմբերին օրերը կամաց-կամաց ցրտում են, ցերեկները՝ կարճանում, գիշերները՝ երկարում:

Անցնում է սեպտեմբերը սարերով ու դաշտերով և իր վրձինով գույնզգույն ներկում ամեն ինչ:

2

– Չապա ե՞ս, ես պակա՞ս եմ նախշում դաշտ ու անտառ, թուփ ու ծառ, – նեղացած ասում է հոկտեմբերը:

Փոքրիկ, փորձի՛ր հոկտեմբեր ամսին անտառ մտնել, քայլել դեղին, կարմիր, շագանակագույն տերևների վրայով. չէ՞ որ տե-

րևաթափն արդեն սկսվել է: Ինչպե՞ս են խշշում դրանք, ի՞նչ անուշ մեղեդի՛ է...

Հոկտեմբեր ամսին այգիներում ու դաշտերում շատ գործ կա անելու, և մարդիկ ժրաջան աշխատում են:



Կենդանիներն էլ պատրաստվում են ձմռանը: Ահա ոզնին, փշոտ մեջքին չոր տերևներ հավաքած, շտապում է տուն՝ փռելու հատակին, որ ձագուկները չմրսեն: Արջերը և սկյուռիկները ձմռան պաշար են հավաքում, որպեսզի քուն մտնեն:

– Թռչուններ ու կենդանիներ էլ կան, որոնք չեն պատրաստվում ձմռանը, ինչպես, օրինակ, ճնճղուկները, նապաստակները, – մեջ է մտնում նոյեմբերը: – Նապաստակն ամբողջ օրը այս ու այն կողմ է վազում՝ կեր ճարելու, բայց ամեն վայրկյան ի՛նքը կարող է կեր դառնալ գիշատիչ գազանների համար: Սակայն շուտով նա կհագնի իր ձմեռային սպիտակ մորթին, որպեսզի ձյան վրա ոչ ոք նրան չնկատի:

Արդեն փչում է սառը քամին, մաղում է մանր անձրևը:

– Շուտով ես էլ կգնամ ու ինձ հետ կտանեմ աշունը. չէ՞ որ ես աշնան վերջին ամիսն եմ, – տխուր ասում է նոյեմբերը:

Մեղեդի - երաժշտական հաճելի եղանակ



թռչուն
թռչել
թռիչք



Հարցեր և առաջադրանքներ

1. Ինչո՞ւ էր հպարտանում սեպրեմբերը:
 2. Թռչուններն ու կենդանիները ինչպե՞ս են պատրաստվում ձմռանը:
 3. Որո՞նք են աշնան ամիսները. բնության մեջ ի՞նչ փոփոխություններ են կատարվում այդ ամիսներին:
- Դասարանում կարդացե՛ք «Երգ աշնան մասին» բանաստեղծությունը:


Լրացրո՛ւ բառակապակցությունները մոտ իմաստ ունեցող բառերով.



կայտառ  երեխա

գեղեցիկ  մեղեդի

ջանասեր  մեղու

վախկոտ  ծագար

քաջ  զինվոր

Օրինակ՝
քաղցր  պտուղ
 միրգ

Բառակապակցություններից չորսը գործածի՛ր նախադասությունների մեջ:

Հանկուծիներ



Նա բնության հետ
Փոխում է գույնը.
Կղառնա՛նքներնակ,
Երբ մառի՛ն ձյունը:

Ծառերի փշակի մեջ
Ես իմ պալատն եմ շինում
Եվ ծառերի կալրարին
Ընկույզ, կաղին եմ ուրում:




Կաթնասուն է, խոտ է ուրում,
Իր փշերով օձ է սպանում:

Ճանաչի՛ր և ճի՛շտ միացրու.



պարյան
փշեր
կնճիթ
սապալ
կալրար
եղջյուր



Աշունն նկար

Դեղին մատիտ առա,
Նկարեցի աշուն՝
Տերևներով առատ,
Տերևներով նախշուն:

Կարմիր մատիտ առա,
Նկարեցի աշուն՝
Խնձորներով առատ
Ու դեղձերով նախշուն:

Կանաչ մատիտ առա,
Նկարեցի ծիլեր
Ու ծիլերի վրա՝
Անպի ճերմակ թելեր:

Առա կապույտ մատիտ
Եվ իմ աշնան վրա
Նկարեցի չվող
Կռուկների երամ:

Ու հետո սև գույնով
Նկարեցի երկիր.
Ափսո՛ս, որ չունեի
Ուրիշ գույնի ներկեր...

Հազար գույնի մատիտ
Ինչպե՛ս ես ճարեի,
Որ պատկերը աշնան
Լրիվ նկարեի:



դեղ
վրջին



Հարցեր և առաջադրանքներ

1. Փորրիկ փղան ի՞նչ գույնի մափտիկներով աշունն նկարեց. ո՞ր գույնով ի՞նչ նկարեց:
2. Նա ինչո՞ւ չջարտնակեց նկարել:
3. Դասից գրի՞ր բառակապակցություններ և դրանցից 5-ը գործածի՞ր նախադասությունների մեջ:



ա) Ի՞նչ գույներ կսրանաս, երբ իրար խառնես՝ **դեղին** և **կապույտ**, **կարմիր** և **սպիտակ**, **կարմիր** և **դեղին**, **սև** և **սպիտակ**, **կապույտ** և **կարմիր** գույները:

բ) Դո՞ւ էլ փորձիր նկարել աշնանային գողփրիկ մի տեսարան. կարող ես օգտվել աշնան մասին դասերի նկարագարողումներից:



Չանկում

Վրձին չունի, ներկեր չունի,
Դաշտն է ներկում հազար գույնի:

Եռասանում

Վարս՛գ, գնա՛ մարագ, արի՛,
Արս՛գ գնա մարագ, արի՛:
Թե մարագում կարագ գրար,
Կարագը ա՞ռ, արս՛գ արի:



Արտագրի՛ր նախադասությունները՝ ճիշտ բառը տեղադրելով.

...ականձներով շունը... էր: (**կատ**, **կախ**)

...դեմժով այդ թզուկը... կապույտ աչքեր ունի: (**խոժոռ**, **խոշոր**)

...կտուցով արձիվը... է փնտրում թռչելիս: (**կեռ**, **կեր**)

մեղունների... հեռովից... երևում էր: (**պարզ**, **պարս՛**)


Շունը հաչեց^a..., մոփիկ եկավ մի չալ...: (**հաւլ**, **հա՛ֆ**)

^aպարս- մեղունների խումբ

Հովհաննես Թումանյան

Տերևաթափ

– Այ փոքրիկներ, այ սիրուններ, –
Ասավ քամին տերևներին, –
Աշուն եկավ, մոտ է ձմեռ,
Ի՞նչ եք դողում ծառի ծերին:
Ոսկի, դեղին, վառ ծիրանի
Գույներ հագեք խայտաբղետ
Ու ճյուղերից ձեր մայրենի
Եկե՛ք ինձ հետ, փախե՛ք ինձ հետ...
Տերևները հենց լսեցին,
Նախշուն-մախշուն գույների հագան,
Սվսվալով տխուր երգեր՝
Քամու թևին թռան, փախան:




տերև
տերևախիչ
տերևաթափ

Հարցեր և առաջադրանքներ



1. Քամին ի՞նչ էր առաջարկում տերևներին. ինչո՞ւ:
2. Տերևները ինչո՞ւ տխուր երգերով հեռացան:
3. Անգի՛ր սովորի՛ր այս գեղեցիկ բանաստեղծությունը:

 Դասարանում կարդացե՛ք «Ի՞նչ են շշնջում» բանաստեղծությունը. ի՞նչ եք կարծում, ի՞նչ են սվսվում ու շշնջում տերևները:

Բնության ձայները

Տերևները	{	սոսափում են:	Ամպը	{	որոտում է:
		սվսվում են:			Ջուրը
		խշխշում են:			կարկաշում է:
			Քամին	{	քչքչում է:
					սուլում է:



Հաներուկներ

Ճյուղից կախված
Պար կգամ,
Աշնան քամուց
Վար կգամ:



Մերթ խենթուկ է նա,
Մերթ մեղմ ու բարի,
Նով կանի նա քեզ՝
Առանց հովհարի:

Կարդա՛ և ուշադրություն դարձրու **ղ** բաղաձայնի գրությանն ու արտասանությանը.



ղեղին, դողալ, ծյուղ, կաղին.

թուղթ, ուղտ, հաղթել, քաղցր, շղթա, եղ-
բայր, աղջիկ, աղբյուր, դեղձ, գաղտնի:



Տրված բառերը արտագրի՛ր երկու սյունակով՝ ըստ օրինակի.

հաղթանակ, փեղկ, շող, ծյուղ, կեղտոտ, կաղնի, դեղնել,
աղքատ, գաղտնիք, շղթա, կողով, աղավնի:

Օրինակ՝

ղ-ղ	խ-ղ
կաղնի	շղթա

Պարահանդես անտառում



Աշունը մտավ կեչիների անտառը ու ներկեց տերևները բուրլոր: Նրանք դեղին, կարմիր ու վառ ծիրանի զգեստներ հագան:

Յետո հովերը, որոնք ամառը քուն էին մտել, զարթնեցին: Վերցրին սրինգներն ու նվագեցին: Տերևներն ուրախությունից ծափ զարկեցին և պարեցին ու պարեցին...

Սրինգների նվագն աշխույժ էր ու զրնգուն: Կեչու տերևները ճյուղերին անրացած էին նուրբ ու բարակ կոթերով: Այդ պատճառով հեշտությամբ պոկվեցին և հովերի հետ թռչկոտեցին:

– Մենք հիմա ի՞նչ անենք, – հարցրին կեչու տերևները:

– Դո՛ւ, դո՛ւ, դո՛ւ, դո՛ւ, – պատասխանեցին հովերն իրենց սրինգներով, – ի՞նչ է, չհասկացա՞ք. այսօր մե՞ծ պարահանդես է լինելու: Տեսե՛ք, ուռիներն արդեն ոսկեգօծել՝ են իրենց մազերը: Այն ջահել կաղնին հագել է կարմիր զգեստները: Նույնիսկ մասրենին հասցրել է զարդարվել: Գնա՛նք, պարահանդես է, գնա՛նք:

Այսպես էին նվագում հովերը... Իսկ կեչու վառ տերևները պտտվո՛ւմ էին, պտտվո՛ւմ, պարո՛ւմ էին ու թռչկոտո՛ւմ...

Ո՞վ կարող էր նրանց կանգնեցնել. չէ՞ որ պարահանդես էր:



՝ոսկեգօծել – այստեղ՝ ոսկեգույն դարձնել, դեղին գույնով զարդարել

արթուն
արթնանալ
պարթնել




Հարցեր և առաջադրանքներ

1. Նկարագրիր անտառի պարահանդեսը. ո՞ր ծառերն էին մասնակցում պարահանդեսին և ի՞նչ գույնի զգեստներով:
2. Ինչն էր նկատարում պարահանդեսը. երաժշտական ի՞նչ գործիք էին նվագում նրանք:



Փորձիր նկարով պատկերել անտառի հեքիաթային պարահանդեսը:

Ոչ պտղատու ծառեր



Կարդա՛ և ուշադրություն դարձրու **գ** բաղաձայնի գրությանն ու արտասանությանը տրված երկու շարք բառերում.



գգեստ, սրինգ, նվագել, գորգ.

երգ, օգտակար, հագնել, միրգ, կարագ, օգնել, ուրագ, ծագել:



Ուշադիր կարդա՛ հետևյալ բառերը. նախադասության մեջ գործածիր միայն նրանք, որոնց մեջ լսվում է **ք**, գրվում է **գ**.

երգել, գիրք, օգնություն, ագռավ, հագուստ, գազար, միրգ, թագ, գույնզգույն, օգնական, գրկել, օգուտ:

Վայրի տանձենու տակ



Անճաման է Կապանի աշունը: Խուստուկի լանջերը տեղ-տեղ ծածկված են ընկույզի անտառներով: Առատ են այնտեղ տանձը, խնձորը, սալորը: Քայլում ես նոր թափված գույնզգույն տերևների միջով, և աչքդ շոյում են ծառերի վրայից քեզ ժպտացող ալ ու ալվան մրգերը:

Անտառի ողջ բնակչությունը՝ սկյուռ, մուկ, արջ ու եղնիկ, ոզնի ու աղվես, ո՛րը ուտում է տեղնուտեղը, ո՛րը շտապ-շտապ հավաքում է մրգերն ու կրում իր բույնը: Բոլորն էլ ձմռան պատրաստություն են տեսնում. ով քուն է մտնելու, ճարպ է հավաքում, ով չի քնելու, կեր է ամբարում¹: Խոզը շատ զգույշ է. եթե սոված էլ լինի, օրը ցերեկով դուրս կգա՞ իր թաքստոցից: Ուրիշ է արջը. մրդգի տեսքից նա խելքը կորցնում է, ամեն զգուշություն մոռանում:

Ահա անտառի խորքում մի ծառ է շարժվում, և լսվում է թափվող մրգի կտկտոցը. արջն է, որ մարդու նման երկու ձեռքով



բռնել, թափ է տալիս ճյուղերը: Իսկ ներքևում՝ թափվող տանձի կարկուտի տակ, երկու քթոթ զգվռտվում են իրար հետ:

Այնքա՛ն դուրեկան է ծիրանի հագած այս տաքուկ անտառում, այնքա՛ն հաճելի են օդում պարելով իջնող այս նախշուն տերևները, որ ուզում ես խաղալ, տրտինգ տալ², չարածճիւթյուններ անել: Եվ ահա քթոթները իրար գրկում են, պաչպաչում, իրար երես լիզում, թաթերով քնքուշ ու սիրալիր ապտակներ տալիս և գլորվում տերևների վրայով...



¹ամբարել – պաշար հավաքել

²տրտինգ տալ – ցատկոտել



Հարցեր և առաջադրանքներ

1. Նկարագրի՛ր Կասյանի աշնանային մրգատապ անտառները:
2. Որո՞նք են անտառի բնակիչները. նրանք ինչպե՞ս են պարտաստվում ձմռանը:
3. Պատմի՛ր՝ արջն ինչպե՞ս է տանձ հավաքում, և նկարագրի՛ր քթոթների ուրախությունը:

Շոպասելու

Մեր ծառը բարձրիկ է,
Անունը Բարձրիկ է,
Իր տված տանձիկը
Նյութեղ ու քաղցրիկ է:




նեղ և
վեր և
առջև



Կազմի՛ր ճիշտ զույգեր և դրանք գործածի՛ր մտքով իրար հետ կապված նախադասությունների մեջ.

գույնզգույն
նախշուն
խայտաբղետ
ալ ու ավվան
երփներանգ
գույն-գույն



տերևներ
ծաղիկներ
մրգեր
թիթեռներ
թերթիկներ
դաշտեր

Կենդանին և ձագը

արջ - քոթոթ
 առյուծ - կոռյուն
 ձի - մորրուկ
 շուն - լակոսր

կուլ - հորթ
 այծ - ուլ
 խոզ - խոճկոր
 ոչխար - գառ
 էշ - քուտակ

Կարդա՛ և ուշադրություն դարձրու հետևյալ անունների գրությանն ու արտասանությանը.



Գոռ, Անգինե, Գագիկ, Գարեգին.

Սարգիս, Թագուհի, Գևորգ, Գրիգոր:



1.

Դասի վերջին պարբերությունից գտի՛ր **գ** բաղաձայնի ուղղագրությանը վերաբերող բառերը (5 բառ) և դրանք գործածի՛ր նախադասությունների մեջ:

2.

Արտագրի՛ր՝ կետերի փոխարեն գրելով **գ** կամ **ք**.

Աշուն տատիկը

.իշեր ու ցերեկ
 Շերեփը ձեռքին՝
 Հյութ է բաժանում
 Բեր. ու բարի.ին:

Բաժանում է նա
 .ոյներ արևոտ
 Ու .ոյների հետ՝
 Անուշ համ ու հոտ:



Հետո .ոյնգ .ոյն
 .ո.նոցը կապած՝
 Ինչ ունի-չունի,
 Տալիս է մարդկանց:




Պ. Խաչատրյան

Աշնանային պարուզներ

1. փոքրիկ պտուղ՝ կարմիր կեղևով և ալյուրի նման միջուկով.
2. կաթիլի ձև ունեցող անուշահամ պտուղ՝ դեղին, կանաչ, կարմրաթուշ.
3. կլոր տնակ՝ մեջը լիքը կարմիր հատիկներ.
4. ոսկեգույն անուշաբույր պտուղ՝ կեղևին՝ թավշանման շապիկ.
5. հյութալի պտուղ՝ թավշե կեղևով ու կարմիր այտերով.
6. կլորիկ պտուղ՝ փայլուն այտերով.
7. ողկույզի ձև ունեցող պտուղ՝ ոսկեգույն կամ կանաչ, սև կամ կարմիր քաղցր հատիկներով.
8. կճուճիկի նման փոքրիկ կարմիր պտուղ՝ մեջը լիքը փշիկներ.
9. մանուշակագույն կամ կանաչ քաղցրահամ պտուղ՝ մեջը մանրիկ կորիզներ:

Խաչքառ



Թեմայի ամփոփում

Համո Սահյան

Աշուն

Աշնան օրերն են հասել,
Իջել է անպը սարին,
Եվ հրաժեշտ է ասել
Կռուները մեր աշխարհին:

Բարդին էլ չի սոսափում
Արագիլի թևի տակ,
Դեղին թերթերն է թափում
Առվակի մեջ կապուտակ:

1. Պարմիր Համո Սահյանի «Աշուն» բանաստեղծության բովանդակությունը՝ օգտվելով հեղինակի պարկերներից:



2. Նկարի՞ր աշնանային այդ պարկերը:

3. Քո իմացած բանաստեղծություններից արտասանի՛ր հարվածները նվիրված՝
- ա) գույնզգույն տերևներին ու տերևաթափին,
 - բ) աշնանային բերքառատ այգիներին,
 - գ) աշնանային գույներին:
4. Աշնանային գույնզգույն տերևներով պարտաստի՛ր որևէ կենդանու նկար կամ բնապատկեր:



Խաղ - առաջադրանք

Աշխատեցե՛ք խմբերով.

Բնութագրեցե՛ք **վաղ աշունը** և **խոր աշունը**՝ օգտվելով րրված բառերի կամ բառակապակցությունների փնջերից (1, 2 կամ 3).

1. հսկասակ իմաստ ունեցող բառազույգեր.

ուրախ - տխուր
պայծառ - մռայլ
տաք - ցուրտ

լուսավոր - մութ
արևոտ - անձրևոտ
ջերմ - սառը

2. գույների անունները նշանակող բառազույգեր.

- * ոսկեզույն, վառ դեղին, կարմիր, մանուշակազույն, նարնջազույն, երկնազույն, գույնզգույն.
- * մոխրազույն, արծաթազույն, շագանակազույն, սև, գորշ, դժգույն դեղին.

3. բառակապակցություններ.

- * չվող կռունկներ, գորշ ամպեր, բարակ անձրև մաղել, մշուշ պարել, ցուրտ ու թաց հող, թափվող տերևներ.
- * կապույտ երկինք, ջերմ արև, քաղցրահամ մրգեր, գույն-գույն տերևներ, դեղնած դաշտեր, անբարդ նախշուն ներկել, բերքառատ այգիներ:

ՄԱՆՈՒԿՆԵՐԻ ԱՇԽԱՐՀՈՒՄ



Ամպրոպ չկա, ամպ չկա,
Ձմեռ չկա, ձյուն չկա,
Միշտ գարո՛ւն է ու գարո՛ւն
Մանուկների աշխարհում:

Ծաղիկներ կան անթառամ,
Թռչուններ կան հապարան,
Արևը մայր չի մտնում
Ծաղիկների աշխարհում:



Մուշեղիկին քնից արթնացնում են արևի շողերը

Մուշեղիկը վերադարձավ. որտեղի՞ց՝ արևի մոտից...

Նա բռնել էր արևի առաջին շողերը, առաջին գույները, առաջին ջերմությունը և տուն բերել: Արևոտ էին նրա աչքերը, մազերը, փոքրիկ քթիկն ու թաթիկները:

Նա վաղ առավոտյան իր ուսուցչուհու և իրենց դասարանի երեխաների հետ գնացել էր՝ արևածագը դիտելու:

Եվ ահա վերադարձել էր՝ արևոտ, արևի մեջ թաթախված...

Իզո՛ր, իզո՛ր էր շտապում արագ-արագ պատմել կիսամութի, երկնքի, կարմիր ամպերի ու արևի շողերի մասին ... Միևնույն է, այդ բոլորը բառերով պատմել չէր լինի:

– Մայրի՛կ, դու դիտե՞լ ես արևածագը: Տեսե՞լ ես՝ ինչպե՛ս են արևի շողերը քաշո՛ւմ-քաշո՛ւմ և դուրս հանում հսկա արևին:

– Տեսել եմ, տղա՛ս:

– Իսկ հայրի՞կը:

– Հայրիկն էլ է տեսել:

– Նազի՞կը:

– Ո՛չ, Նազիկը դեռ փոքրիկ է. երբ մեծանա, դառնա դպրոցական, նա էլ կտեսնի արևածագը:

Մուշեղիկը նայում էր քույրիկին ու մտածում. «Սիրելի՛ս, արժե դրա համար շուտ մեծանալ. շտապի՛ր»:

Այդ օրվանից մայրիկն այլևս ձայն չէր տալիս տղային: Նրան քնից արթնացնում էին արևի շողերը, որոնք պատուհանից ներս էին մտնում լուռուճուճ, պտտվում ամբողջ սենյակով մեկ, զըռնում էին Մուշեղիկի մահճակալը ու կամաց, շա՛տ կամաց իրենց տաք թաթիկներով շոյում տղայի թշիկները: «Վե՛ր կաց, վե՛ր կաց, որ դասից չուշանաս»,– շշմջում էին նրանք այնպե՛ս կամաց, որ միայն Մուշեղիկն էր լսում...



Հարցեր և առաջադրանքներ

1. Պարսի՛ր՝ արևածագը դիտելը ի՞նչ ազդեցություն ունեցավ Մուշեղիկի վրա:
2. Նկարագրի՛ր՝ արևի շողերը ինչպե՛ս էին քնից արթնացնում Մուշեղիկին:




ա) Փորձի՛ր նկարել արևածագը:
բ) Դասարանում կարդացե՛ք «Իմ վրձինով» գողտրիկ բանաստեղծությունը. ի՞նչ է ուզում փոքրիկը. ինչո՞ւ:



Հանելուկ

Նախաբեց հանդարտ
Գիշերվա քողը,
Արդ ու հանդերին
Ցողեց իր շողը:



Մասնավոր իմաստ ունեցող հետևյալ բառախմբերից յուրաքանչյուրի դիմաց գրի՛ր նրա ընդհանուր իմաստն արտահայտող բառը.

- ծաղիկ, ծառ, թուփ, խոտ, հասկ...
- մանուկ, ուսուցչուհի, նկարիչ, հայր, Գոհար...
- Երևան, Էջմիածին, Գյումրի, Մոսկվա, Փարիզ...
- հաց, կարկանդակ, պանիր, երշիկ, ձու, կաթ...
- մեղու, լուսատուիկ, գատիկ, թիթեռ, մրջյուն...

Հովվի տղան

Ես շվի եմ ուզում շինել,
Ես հովվի եմ ուզում լինել
Սարի լանջին,
Ջով կանաչին:

Կեսօրվա դեմ նստեմ քարին,
Փչեմ, կանչեմ ոչխարներին,
Գետուն ջրեմ
Ու տուն բերեմ:

Մայրս կթի ոչխարները,
Ես էլ ուտեմ կաթի սերը,
Մի քիչ մնամ,
Հանգստանամ:

Ապա ջուկեմ գառը մորից
Ու ոչխարիս հոտը մորից
Քչեմ տանեմ,
Սարերն հանեմ:

Այսպես մինչև իրիկնադեմ
Շվիս փչեմ,
Էյ-հեյ կանչեմ.
Քանի սարում հայրիկս կա,
Գայլը հոտիս մոտիկ չի գա...



օր
պատ
կեսօր



Հարցեր և առաջադրանքներ

1. Հովվի տղան ինչո՞ւ էր ինքն էլ ուզում հովիվ դառնալ:
2. Ինչո՞ւ էր նա վստահ, որ գայլը իր հորին մորիկ չի գա:
3. Դո՞ւ ինչ ես ուզում դառնալ. ինչո՞ւ:



Տանը կարդա՛ «Ի՞նչ դառնալ» բանաստեղծությունը:

Կոչված է՝

ձկների խումբը՝ **վրաս,**

թռչունների խումբը՝ **երամ,**

մեղուների խումբը՝ **պարս,**

գայլերի խումբը՝ **ոհմակ,**

կովերի խումբը՝ **նախիր,**

ձիերի խումբը՝ **երամակ,**

ոչխարների խումբը՝ **հոտ:**

Ի՞նչ են պաշխա՛



Կարդա՛ հետևյալ բառերը. ուշադրություն դարձրու **բ** բաղաձայնի գրությանն ու արտասանությանը.



բարդի, **բ**երք, **բ**ողբոջ, **բ**ուրմունք.

եր**բ**, նուր**բ**, սրբի**չ**, համբու**յր**, դարբի**ն**, խաբե**լ**:



Ճի՛շտ տեղադրիր բառերը.

Չնձաղիկը ... գույն ու բույր ունի: Արևի շողիկը
զերմորեն ... նրա փնփուշ թերթիկները: ... չնձաղիկն
արթնանում է, ... իր թաց աչիկները:

երբ
սրբել
նուրբ

Աշնան կիրակի օր



Գյուղի *խոր աշուն* էր, օրը՝ կիրակի: Գևորգն արթնացավ՝ Մարիամ տատի համբույրը ճակատին:

– Այսօր իմ թռնիկը յոթ տարեկան է դառնում, – ասաց տատիկը՝ շոյելով նրա գլուխը:

Գևորգի *սկանջին հասավ* գառան *բարակ մայունը*:

– Տա՛տ, ինչո՞ւ գառնուկին արոտ չես ուղարկել:

– Այսօր քո *ծննդյան օրն է*, պիտի մորթենք գառնուկը:

Գևորգը շատ տխրեց. մայր ոչխարը հիվանդացել ու սատկել էր, և ամբողջ ձմեռ ինքն ու գառնուկը միասին խաղացել ու մեծացել էին: Առաջին օրերին գառնուկը չէր կարողանում կանգնել. Գևորգն էր բռնում, որ չընկներ: Հիմա արդեն խենթ գառնուկ էր դարձել: Ճակատի սպիտակ խալը մի առանձին գեղեցկություն էր տալիս նրան:

Գևորգն արագ հագնվեց ու վազեց այգի: Ուշադիր *նայեց շուրջը*. մարդ չերևաց: Արձակեց պարանը, գառնուկին *դուրս բերեց փողոց* ու քշեց դեպի ծոր:

Քաղաքից վերադարձան Գևորգի հայրիկն ու մայրիկը. տեսակ-տեսակ ուտելիքներ ու



խաղալիքներ էին բերել: Հայրիկը վերցրեց դանակն ու մտավ այգի, բայց գառնուկը չկար:

– *Ծիրանի ծառից* կապած է, տղա՛ս, – ասաց տատը:

Սակայն այգում ո՛չ գառնուկ կար, ո՛չ էլ պարան: Չկար նաև Գևորգը: Հարևանն ասաց, որ Գևորգին ձորում է տեսել գառան հետ:

Քիչ անց ձորը լցվեց կանչերով.

– Գևորգ, Գևորգ, որտե՞ղ ես...

Չորը արձագանքեց, և մարող ձայնի միջից գառան բարակ մայուն լսվեց: Հայրը գնաց ձայնի կողմը. *թեթև ժպիտը* դեմքին՝ *անուշ քնել էր* Գևորգը, իսկ ճերմակճակատ գառնուկը, նրա կողքին նստած, հանգիստ որոճում էր:

Աշնան խաղաղ երեկո էր, օրը՝ կիրակի...



Հարցեր և առաջադրանքներ

*արչագանժ
արչագանժել*

1. Գևորգը ինչո՞ւ տխուր է:
2. Նա ի՞նչ հնար մտածեց գառնուկին փրկելու համար:
3. Դո՞ւ ինչպես կվարվեիր:
4. Շարունակի՞ր պատմությունը. ի՞նչ եղավ հետո:
5. Տեքստում թեք գրված կապակցություններն ասա՛՛ նույն կամ մոտ իմաստն ունեցող այլ բառերով կամ արտահայտություններով:



Իսկ դու կարո՞ղ ես քո մասին ասել.

Ես սիրում եմ կենդանիներին:

Ես հոգաբար եմ կենդանիների նկատմամբ:

այո՛

ո՛չ

Ճանաչի՛ր և շարունակի՛ր.

Խոտակեր կենդանիներ – ոչխար, այծ, կով, ձի, էջ...

Մասակեր կենդանիներ – շուն, կատու, աղվես, գայլ, առյուծ...

Ամբողջացրո՛ւ նախադասությունները՝ գրելով, թե Մոխրոտիկը ի՞նչ գործեր է անում շաբաթվա օրերին.



Արկուղաբթի ...:



Երեքշաբթի ...:



Չորեքշաբթի ...:



Դիմեքշաբթի ...:



Պարբաթ ...:



Շաբաթ ...:



Կիրակի ...:

Լիպարիպ Սարգսյան

Նվին



Հազար նվագ
Ունի թևին
Պապիս գնած
Փոքրիկ շվին:

Երբ շուրթերին է
Մոտեցնում,
Երգերով է
Տունը լցվում:

Մեղեդիներ՝
Քնքո՛ւշ ու տա՛ք,
Կյանք են առնում
Մատների տակ:

Բայց երբ ես եմ
Ձեռքս առնում,
Ծվծվում է
Ու խռխռում:

Ծիծաղում է
Պապս թաքուն.
–Ախր, մեռնեն
Ես քո հոգուն,

Նախ սովորիր
Նրա լեզուն,
Նվագել ես
Եթե ուզում:

Սիրտ, հոգի է
Ամբողջովին
Այս եղեգնյա
Փոքրիկ շվին:

Պիտի նրան
Սի՛րտ նվիրես,
Ամբո՛ղջ հոգով
Պիտի սիրես:

Ու աշխատես
Դու շարունակ,
Որ երգ ծնվի
Մատներիդ տակ:



Հարցեր և առաջադրանքներ

1. Ինչո՞ւ փոքրիկը շվի նվագելու ցանկություն ունեցավ:
2. Նրան հաջողվե՞ց նվագել. ինչո՞ւ:

Առած

Կաթիլ-կաթիլ գետ կդառնա:



ամբողջ
ամբողջովին



Պատիկի խրատներից


Աշխատանքը հաջողության առաջին պայմանն է:
Աշխատիր և անպայման հաջողության կհասնես:

Ճանաչելու են.



Կազմիր բառակապակցություններ.

փոքրիկ
քնքուշ
եղեգնյա
տաք
խենթ
սպիտակ
խաղաղ
աշնանային



շվի
մեղեղի
գառնուկ
խալ
մայուն
երեկո
օր

Քո կազմած բառակապակցությունները գործածելով՝ գրիր մի փոքրիկ հեքիաթ՝ «Իմ կախարդական շվին» վերնագրով:

Փոքրիկ Շոպենը

1

Լեհ հանճարեղ կոմպոզիտոր և դաշնակահար Ֆրիդերիկ Շոպենը տասներեք տարեկան էր: Նրա հայրը տանը երաժշտության դասեր էր տալիս: Մի անգամ ընդունարանում հավաքվել էին նրա աշակերտները և սպասում էին իրենց ուսուցչին: Մոռանալով, որ կից սենյակում պառկած է Շոպենի հիվանդ մայրը, տղաները սկսեցին գոռգոռալ ու աղմկել: Մայրն իր մոտ կանչեց Շոպենին ու խնդրեց.

– Ֆրիդերիկ, սիրելի՛ս, գնա՛ և ասա՛, որ հանգիստ մնամ. չէ՞ որ ես հիվանդ եմ:

Ֆրիդերիկն իսկույն վազեց տղաների մոտ և փորձեց լռեցնել նրանց, բայց ոչ ոք ուշադրություն չդարձրեց փոքրիկի վրա: Տղան բարկությունից քիչ մնաց՝ լաց լինեց:

Հանկարծ մի միտք ծագեց նրա գրլ-

խում. նա շտապեց դեպի դաշնամուրը, նստեց ու սկսեց նվագել: Սկզբում աղմուկի մեջ ոչինչ չէր լսվում, բայց հետզհետե սենյակը լցվեց իրիկնային նուրբ մեղեդիներով: Դրանք այնքան գեղեցիկ ու թովիչ էին, կարծես իսկապես երեկո լինեք. *կապույտ մշուշը հեղձեցին փռվում էր դաշտերի վրա, լեռների գագաթները սուզվում էին մթության մեջ, դաշտից տուն էին դառնում հնձվորները, և կամաց-կամաց ամեն ինչ խաղաղվում էր...*



Շուտով Ֆրիդերիկը նկատեց, որ սենյակում բոլորը լռել են, բայց նա շարունակում էր նվագել...

Երեկոյին փոխարինեց գիշերը: Լռեցին շշուկները, և իրար հետևից մարեցին գյուղական ճրագները: Բոլորը քրնած էին: Գիշերային լռության մեջ լսվում էր միայն ծղրիդի ճռոցը...

Ֆրիդերիկի հայրը, որ արդեն վերադարձել էր, մտավ սենյակ և զարմացած կանգ առավ դռների մեջ. տղաները քնել էին աթոռներին՝ ամեն մեկն իր գործիքը գրկած: Միայն փոքրիկ Ֆրիդերիկն էր ինքնամոռաց¹ նվագում:

– Իսկ հիմա արթնացրո՛ւ տղաներին, Ֆրիդերիկ՛, – ասաց հայրը՝ շոյելով նրա մազերը:


Ու տղան ուժգին հարվածեց դաշնամուրի ստեղներից. *գիշերային խաղաղությունն ընդհատվեց, հետվում խուլ որոտացին ամպերը, և փայլարակեց կայծակը. քամուն հաջորդեց փոթորիկը, սալա հորդառաար անձրև սկսվեց...*

Հանկարծ տղաները վեր թռան և խառնվեցին իրար:

Իսկ փոքրիկ Շոպենը կանգնել էր դաշնամուրի մոտ և ուրախ քրքջում էր:



¹ինքնամոռաց - ինքն իրեն մոռացած





Հարցեր և առաջադրանքներ

1. Շուպենը երեխաներին լռեցնելու ի՞նչ հնար մտածեց, դա հաջողվե՞ց նրան:
2. Նկարագրի՛ր երեկոյի և գիշերվա երաժշտական պատկերները, որոնք քուն բերեցին երեխաներին:
3. Նկարագրի՛ր՝ երաժշտական ո՞ր պատկերը արթնացրեց տղաներին. վերնագրի՛ր այն:
4. Դասարանում լսեցե՞ք Ֆրիդերիկ Շուպենի սրտեղծագործություններից մեկը և նկարագրեցե՞ք, թե ի՞նչ պատկերներ «տեսաք»:



Ասացվածքներ

- Երաժշտությունը քնքսացնում է հոգին:
- Երաժշտությունը բոլորին ծանոթ մայրենի լեզու է:

1. Կարդա՛ հետևյալ բառերը. ուշադրություն դարձրու **դ** բաղաձայնի գրությանն ու արտասանությանը.



դաշտ, ծղրիդ, հիվանդ, դաշնամուր.

մարդ, վարդ, զարդ, բուրդ, որդի,
խնդրել, կենդանի, ընդունարան:



Արտագրի՛ր՝ կետերի փոխարեն գրելով **դ** կամ **թ**.



Վարդն ու զարդը
(ժողովրդական)

Ցողը իջավ լուռ, հուշիկ,
ժպտաց վար•ը անուշիկ:
– Իմն է ցողիկն այս արծա•,
Ոչ ոք չունի նման զար•:
Արևն ելավ հան•արտիկ,
ժպտաց զվար•, անուշիկ:
Ցողը հալվեց խիստ տո•ից,
Վար•ը շիկնեց անո•ից:



2. Կարդա՛ր և ուշադրությո՛ւն դարձրու հետևյալ անունների գրությանն ու արտասանությանը.



Չվարթ, Լիլիթ, Դավիթ, Դանիել.



Նվարդ, Վարդան, Վարդիթեր, Սեդրակ:

	Արտագրի՛ր բառերը՝ կետերի փոխարեն գրելով դ կամ թ .
	ար•նանալ, վան•ակ, կեն•անի, թի•եռ, մար•, զը•վար•, կիր•, բուր•, թեր•, շր•ոււնք, հոր• (կոպի ձագ), հոր• (սուսր), խն•րանք, մոր•ի, մաղ•ել:

Ըստ Կ. Օսեկայի

Հրաշալի բառը

1

Երկար սպիտակ մորուքով մի ծերունի նստած էր նստարանին և ձեռնափայտով ինչ-որ բան էր գծում ավազի վրա:

– Տե՛ղ տվեք, – ասաց Սաշան բարձր ու կոպիտ ձայնով և նստեց նստարանի ծայրին:

Ծերունին տեղ տվեց և նայելով տղայի կարմրած ու բարկացած դեմքին՝ ասաց.

– Քեզ հետ ինչ-որ բան է պատահել. դու քիչ առաջ գոռացել, լաց ես եղել, հետո էլ մեկի հետ կռվել ես...



– Ոչ ոք ինձ չի սիրում, – ասաց Սաշան և թևով սրբեց արցունքները. – բոլորը բարկանում են ինձ վրա, ինչ ուզում են, չեն տալիս...

Ծերունին շոյեց երկար մորուքը և ասաց.

– Դու երևի կոպիտ ես խոսում բոլորի հետ: Լսի՛ր, տղա՛ս, ես ուզում եմ քեզ օգնել: Մի հրաշալի բառ կա. այդ բառն ում էլ ասես, քեզ կլսի:

Սաշան աչքերը չռեց:

– Ես քեզ կսովորեցնեմ այդ բառը: Բայց հիշի՛ր, որ այդ բառը պետք է արտասանել մեղմ ձայնով և ուղիղ նայելով նրա աչքերի մեջ, ում հետ խոսում ես:

Ծերունին տղայի ականջին ինչ-որ բան ասաց և ավելացրեց.

– Դա հրաշալի բառ է, բայց չմոռանաս, թե ինչպե՛ս պետք է ասես այն:

Սաշան վեր թռավ տեղից և վազեց տուն:

2

Լենան, սեղանի առաջ նստած, նկարում էր: Կանաչ, կարմիր, դեղին, կապույտ ներկերը թափված էին սեղանի վրա: Սաշային տեսնելով՝ նա իսկույն ներկերը ծածկեց ձեռքերով:

Սաշան մոտեցավ քրոջը և նայելով նրա աչքերի մեջ՝ ասաց.

– Լե՛նա, խնդրո՛ւմ եմ, ինձ մի նե՛րկ տուր...

Քույրը լայն բացեց աչքերը և ձեռքերը քաշելով ներկերի վրայից՝ քթի տակ ասաց.

– Ո՞րն ես ուզում...

– Կապո՛ւյտը, – անհամարձակ ասաց Սաշան:

Նա ներկը վերցրեց, գնաց-եկավ սենյակում ու ներկը հետ տվեց քրոջը. նրան ներկ հարկավոր չէր. նա ուզում էր փորձել ծերունու սովորեցրած հրաշալի բառի ուժը:

Սաշան շտապեց խոհանոց:

Տատը գազօջախի վրայից վերցնում էր տաք բլիթները: Թողը մոտեցավ տատին, նայեց նրա աչքերի մեջ ու կամացուկ ասաց.

– Տատի՛կ, խնդրո՞ւմ եմ, ինձ մի բլիթ տուր:

Տատը զարմացավ:

– Տա՞ք, թե՞ սառն ես ուզում, բալի՛կս, – ասաց նա՝ ընտրելով ամենալավը:

Սաշան ուրախությունից վեր թռավ. «Հրաշալի՛ է, հրաշալի՛», – կրկնում էր նա ինքնիրեն՝ վազելով դեպի պուրակ. նա շտապում էր, որ շնորհակալություն հայտներ ծերունուն:



Հարցեր և առաջադրանքներ

1. Ինչո՞ւ էին բոլորը վաթ վաթվում Սաշայի հետը:
 2. Սաշան ինչի՞ շնորհիվ փոխեց իր բնավորությունը. դա ի՞նչ օգուտ տվեց նրան:
 3. Ի՞նչ դաս քաղեցիր այս պատմությունից:
- Շնորհակալական ի՞նչ արտահայտություններ գիրքես. ե՞րբ պետք է գործածես դրանք:

Շուրասանդով

Ձուկ գցելով, ձուկ կուլ տալով,
Մուկ գցելով, ձուկ կուլ տալով
Ապրում եմ ես՝ մկան տեղ՝ ձուկ
Ու մկան տեղ՝ ձուկ կուլ տալով:



Իսկ դու կարո՞ղ ես քո մասին ասել.

Ես բարեկիրթ եմ:

Երբ ես սխալվում եմ, ներողություն եմ խնդրում:

այո՛ ո՛չ

Կարդա՛ և ուշադրություն դարձրու **ծ** բաղաձայնի գրությանն ու արտասանությանը.



ծեռք, ձայն, օձիք, արծազանք.

բարձր, բարձ, վրձին, ընդարձակ, արձակուրդ, օձ, համարձակ, դեղծ:



Արտագրի՛ր նախադասությունները՝ ճիշտ տեղադրելով տրված բառերը.

Աուրեանն սպասում էր ամառային ... նա
պարբասպել էր զրաններին ու ... Աուրեանն
ուզում էր նկարել մեր ... սարերը և ...
դաշտերը: Իսկ ամենից շատ նա սիրում է
նկարել հայկական ...:

**բարձրիկ
ընդարձակ
վրձիններ
արձակուրդ**



Պարսատիկը

1

Լևոնը պարսատիկ ուներ: Նա քարը դնում էր պարսատիկի մեջ և ուզած տեղը խփում:

Լևոնը նշան էր բռնում դիմացի պատի վրա հերթով շարված ճնճղուկներին, որ հենց նոր էին դուրս եկել իրենց բներից՝ փոքրիկ ճուտիկների մոտից. նրանք հայրիկներ ու մայրիկներ էին:

Լևոնը խփում էր ճնճղուկներին, իսկ Ձոնիկը կանգնում էր նրա կողքին ու տխուր նայում: Նայում էր պատի ճեղքերից գլուխները հանած ձագուկներին, նայում էր ընկերոջն ու չգիտեր՝ ի՞նչ աներ, ի՞նչ ասեր...

– Եթե մատիտի լավ սրիչ տամ, պարսատիկդ կտա՞ս, – ասում էր Ձոնիկը:

– Ո՛չ:

– Երկու հատ ընդհանուր տետր և մեկ տուփ գունավոր մատիտ տա՞մ...

– Չե՛մ տա...

Գիշերները երազում Ձոնիկը տեսնում էր ճնճղուկի՝ փափլիկ աղվամազով՝ ծածկված փոքրիկ ձագուկներին...

Օրերը ցրտել էին: Ճնճղուկները շարվում էին պատի վրա կամ իջնում դիմացի այգին՝ իրենց բալիկների համար կեր գտնելու:

Լևոնը շարունակում էր իր պարսատիկով հալածել նրանց:

2

Թափվում էին ձյան փափուկ փաթիլները: Բլրակի վրա խաղում էին երեխաները. նրանց ուրախ աղմուկն ու աղաղակը խառնվում էին ձյան մաքուր ու սպիտակ փաթիլներին:

Ձոնիկը սահնակ ուներ, իսկ Լևոնը՝ ոչ:

– Կտա՞ս սահնակդ. նստե՛մ, – ասաց Լևոնը:






- Կուզե՞ս՝ քեզ տամ:
- Ինձ ու ի՞նձ, – զարմացավ Լևոնը:
- Այո՛, փոխարենը դու պարսատիկդ կտա՞ս:
- Կտա՛մ, – ուրախ պատասխանեց Լևոնը:

Լևոնը, սահնակի պարանը բռնած, մնաց կանգնած: Նա ասես քարացել էր ու տեղից շարժվել չէր կարողանում. Ձոնիկը տվեց իր նոր ու գեղեցիկ սահնակը, փոխարենը վերցրեց հին պարսատիկը և...

Ո՛չ, Ձոնիկը փոքրիկ քարեր չէր փնտրում... Նա ձյան տակից մի մեծ քար հանեց ու ջարդեց պարսատիկը: Ապա կտորները շարտեց այս ու այն կողմ և իր արածից գոհ՝ նայեց պատի վրա անհոգ շարված ճնճղուկներին:

Լևոնն էլ նայեց. ձմռան արևի թույլ շողերի տակ պսպղում էին ձյան փաթիլները, և ճնճղուկներն ուրախ էին...

Ձոնիկը վազեց բլրակի վրա խաղացող երեխաների մոտ: Լևոնը նայեց Ձոնիկի հետևից, նայեց սահնակին. տխրեց: Նա այլևս խաղալ չէր ուզում. ուզում էր տուն վերադառնալ: Ծանապարհին Լևոնը սահնակը թողեց Ձոնիկենց դռան առջև...



¹աղվամազ -նուրբ ու փափուկ մազ

պապիկ
պապիկ



Հարցեր և առաջադրանքներ

1. Չոնիկը ինչո՞ւ էր տխուր և Լևոնից խնդրում պարսապիկը:
2. Ո՞ր տողերից է երևում, որ Չոնիկը նրբանկատ ու լավ ընկեր է կարդա՛ այդ տողերը:
3. Չոնիկին ինչպե՞ս հաջողվեց փրկել ճնճողուկներին:
4. Լևոնը ի՞նչ դաս առավ Չոնիկի վարմունքից:



Իսկ դու կարո՞ղ ես քո մասին ասել.

Ես չեմ չարչարում կենդանիներին:

այո՛ր ո՛չ

Ես օգնում եմ փոքրերին ու տկարներին:

Ճանաչի՛ր և շարունակի՛ր.

Երկուտանի կենդանիներ – հավ, կարաս, ճնճողուկ, ջայլամ...

Չորքուտանի կենդանիներ – եղջերու, ձի, կով, առյուծ ...

Կարդա՛ և ուշադրություն դարձրու ջ բաղաձայնի գրությանն ու արտասանությանը.

ջերմոց, ջրվեժ, ջինջ, քրքջալ.



արջ, որջ, միջատ, մրջյուն, վերջ,
իջնել, չղջիկ, գղջալ:

1.

Արտագրի՛ր տրված բառերը առանձին սյունակներով՝ օրինակի պես.

աջ, մեջք, արջ, միջատ, կամուրջ, ջնջոց, վերջ, նարինջ, ջութակ, ջրհոր, չղջիկ:

Օրինակ՝

ջ-ջ

չ-չ

2.

Արտագրի՛ր՝ հարցերին պատասխանելով.

Ի՞նչ է կոչվում արջի բույնը:

Ի՞նչ են ասում հագուստ կարողին:

Խաղողն ու դեղձը ի՞նչ են:

Ի՞նչ համ ունի մեղրը:

Ինչո՞վ են սրբվում լողանալուց հետո:

Ո՞րն էր «հրաշալի» բառը:

Ո՞վ է վարում օդանավը:

Օրինակ՝ *Հագուստ կարողին ասում են դերձակ:*

Յուրի Սահակյան

Պայման

- Բարև, – ասաց փոքրիկ տղան:
- Հազա՛ր բարին, – ասացի ես:
- Ընկեր չունե՞ս, – հարցրեց տղան:
- Այստեղ չունեմ, – ասացի ես:
- Կուզե՞ս ինձ հետ ծանոթանալ:
- Ծանոթանա՛նք, – ասացի ես:
- Անունդ ի՞նչ է, – հարցրեց տղան:
- Իմ անունը ասացի ես:
- Հետո այսպես ասաց տղան.
- Արի այնքա՛ն ծանոթանանք,
- Որ սկսենք մտերմանալ:
- Հետո այնքա՛ն մտերմանանք,
- Որ սկսենք ընկերանալ:
- Հետո այնքա՛ն ընկերանանք,
- Որ սկսենք եղբայրանալ:
- Հետո այնքա՛ն եղբայրանանք,
- Որ բաժանվել չկամենանք



Ո՛չ խաղի մեջ,
Ո՛չ փորձանքում,
Ո՛չ էլ ամբողջ, ամբողջ կյանքում:

եղբայր
եղբայրանալ



Հարցեր և առաջադրանքներ

1. Փոքրիկ տղան ինչո՞ւ էր ընկեր փնտրում. ինչո՞ւ պետք է ընկեր ունենալ:
2. Նա ինչպիսի՞ ընկեր էր փնտրում. ինչո՞ւ է բանասարկեծությունը վերնագրված «Պայման»:



Տանը կարդացե՞ք և դասարանում քննարկեցե՞ք «Ազնիվ զինվորը» և «Վատ ընկերը» փոքրիկ պատմվածքները:



Ասացվածքներ

Ընկերը փորձանքի մեջ է ճանաչվում:
Մարդն իր ընկերներով է հարուստ և ուժեղ:

Թեմայի ամփոփում

1. «Մանկական աշխարհի» մասին դասերից ո՞րը ավելի շատ հավանեցիր. ինչո՞ւ:
2. Գրի՞ր մի փոքրիկ պատմություն՝ «Իմ մտերիմ ընկերը» վերնագրով՝ օգտվելով տրված հարցերից և բառերից.

անկեղծ, բարի, աշխատասեր, հոգատար,
ուշադիր, խելացի, հնարամիտ, ընկերասեր,
գթասիրտ, ազնիվ, ճշմարտախոս...

Հարցեր

1. Ո՞վ է քո մտերիմ ընկերը:
2. Ի՞նչ հատկանիշներ ունի նա:
3. Ի՞նչ լավ գործեր եք կատարում միասին:
4. Ինչո՞ւ պետք է ընկեր ունենալ:



ՁՅՈՒՆԵՐԻ ԹԱԳԱՎՈՐՈՒԹՅԱՆ ՄԵՑ



Ո՛վ է եկել փանիքներին
Սավան փռել այս գիշեր,
Սառցե մաքով պափուհանին
Նախշեր քաշել այս գիշեր...

Փափուկ ձյուն

Ձյո՛ւն, փափո՛ւկ ձյուն, սպիտա՛կ ձյուն,
Զգո՛ւյշ իջիր դաշտերին.
Ծաղիկները մտել են քուն,
Հողն է նրանց անկողին:

Հանդա՛րտ, կամա՛ց իջիր այնպես՝
Ծաղիկները չարթնանան,
Ծածկի՛ր նրանց քնքուշ ու հեգ.
Զգո՛ւյշ, զգո՛ւյշ անսահման:

Ձյո՛ւն, փափո՛ւկ ձյուն, սպիտա՛կ ձյուն,
Հանգի՛ստ, խաղա՛ղ իջիր վար.
Ծաղիկները մտել են քուն,
Ծաղիկները ցրտահար՝:

¹ցրտահար – ցուրտը տարած՝ ցրտից սառած

Կգույշ
Կգուշանալ

Հարցեր և առաջադրանքներ



1. Նեղինակը ի՞նչ է խնդրում ձյունից. ինչո՞ւ:
2. Արդասանի՛ր այս գողտրիկ քանաստեղծությունը հեղինակի պարկերած տրամադրությամբ՝ քնքուշ ու հանդարտ:

Տաճելի կլինի սովորել նաև «Ձյուն» երգը և երգել դասարանում:

Հաներուհներ



Օրը պստ դարձավ,
Անպը մստ դարձավ,
Նրա թիթեռը
Մանկան խաղ դարձավ:



Չեմ սիրում համբույր,
Ժպիտ, ջերմություն.
Իմ սիրտը սառն է,
Իսկ անունս՝ ...



Հիշո՞ւմ ես, որ...

Վանկը կազմված է լինում մեկ կամ մեկից ավելի հըն-
 ջյուններից, որոնք արտասանվում են միանգամից:
 Բառերը լինում են **միավանկ** և **բազմավանկ**:
 Օրինակ՝ ձյուն, փաթիլ, ցրտահար:

Արտագրի՛ր հետևյալ բառերն առանձին սյունակներով՝
 միավանկ, բազմավանկ.

*փափուկ, հանդարտ, հող, քուն, անկողին, ծաղիկ, անսահ-
 ման, արթնանալ, դաշտ, ամպ, հանգիստ, օր:*

Ըստ Գեղեցիկ Սովսիսյանի՝



Փաթիլներն են բերել երկևրից

Փոքրիկ Շուշանը մտածկոտ նայում էր թափվող փաթիլ-
 ներին...

Նա, առանց աչքերը փաթիլներից կտրելու, սեղանից վերց-
 րեց ջուրակը և աղեղը հպեց¹ լարերին: Բաց օդանցքից դուրս
 հոսեց մի քնքուշ մեղեդի և գրկեց պտտվող փաթիլներին: Շու-
 շանը ժպտաց... Փաթիլները լսում էին նրան... Փաթիլներն ուրախ
 էին, որ Շուշանը մտածեց իրենց մասին:

Ճերմակ ու քնքուշ փաթիլները պտտվում էին նազանքով,
 մոտենում իրար, հեռանում, նորից պտտվում, խռնվում² ու մեկ էլ
 ցրվում՝ թեթև ու սահուն...

Դա երկնային պար էր՝ փաթիլների պար... Ոչ ոք մինչև այդ
 չգիտեր այդ պարի երաժշտությունը... Միայն փոքրիկ Շուշանն
 զգաց այն. հոգու մեջ երաժշտություն ծնվեց, և նա նվագեց փա-
 թիլների պարը:

Փաթիլներն իրենց ճերմակ ու նուրբ ժպիտներով դուրս էին
 կանչում աղջկան:

– Շուշանը դուրս եկավ պատշգամբ՝ շարունակելով ոգևորված նվագել...

Փաթիլներն արագ շրջապատեցին նրան. մի քանիսը համբուրեցին Շուշանին՝ դառնալով համբուլորի թաց հետք, մի քանիսն էլ կախվեցին նրա թարթիչներից՝ կարծես ցանկանալով իրենց քնքուշ փայլը նրա աչքերին նվիրել...

Վերջապես փաթիլները հոգնեցին և ճոճվելով իջան գետնին. Շուշանն էլ իջեցրեց հոգնած ձեռքը և նայեց ձյունածածկ տանիքներին:

Հանկարծ ծափահարություններ լսվեցին... Շուշանը սթափվեց և նայեց ժպտացող մարդկանց...

– Ի՞նչ էիր նվագում, փոքրիկ, – լսեց Շուշանը վերևից:

– Ես նվագում էի փաթիլների պարը, – շիկնելով պատասխանեց նա:

– Իսկ ո՞վ է հեղինակը, – կրկին հարցրեց երաժիշտը:

Շուշանը շփոթվեց, մի պահ մտածեց և ասաց.

– Չգիտեմ, *փաթիլներն էին իրենց հետքերել երկնքից...*



¹հպել – մոտեցնելով կպցնել

²խռնվել – այստեղ՝ իրար վրա գալ՝ թափվել

*երաժիշտ
երաժշտություն*



Հարցեր և առաջադրանքներ



1. Նկարագրիր փաթիլների պարը:
2. Ի՞նչ երաժշտություն ծնվեց Շուշանի հոգում, ինչո՞ւ:
3. Փաթիլներն ինչպե՞ս ընդունեցին այդ երաժշտությունը:
4. Պարմավածքն ինչո՞ւ է վերնագրված «**Փաթիլներն են բերել երկնքից**». ուրիշ ի՞նչ վերնագիր կդնես այս պարմությանը:



Դասից ընտրիր և արտագրիր քեզ դուր եկած գեղեցիկ պարկերներն ու նկարագրությունները:



Հանգույններ

Արփին հեպր
Երբ խոսեց,
Նա զունարվեց
Ու հոսեց:

Յրրից ծնված
Թիթեռ եմ,
Թե ջերմացնես,
Կհալչեմ:

Գալիս է փաթիլ-փաթիլ՝
Ուրախ պարելով,
Գնում է կաթիլ-կաթիլ՝
Արցունք թափելով:



Հիշո՞ւմ ես, որ...

Բառերի մեջ քանի **ձայնավոր** կա, այնքան էլ **վանկ** կա:

Օրինակ՝ **պար** – 1 ձայնավոր, 1 վանկ,
ծաղ-կա-ման – 3 ձայնավոր, 3 վանկ:

Առանց **ձայնավորի վանկ** չկա, **իսկ ձայնավորը մեենակ կարող է վանկ կազմել**:

Օրինակ՝ **քըն-քուշ, օ-րո-րոց**:

Արտագրիր հետևյալ բառերը՝ վանկերի բաժանելով. ընդգծիր ձայնավորները և որոշիր, թե քանի՞ վանկ ունի յուրաքանչյուր բառ.

օղանցք, ջութակ, պտտվել, աղջիկ, համբուրել, քնքուշ, ժլպտալ, պատշգամբ, ձյունածածկ, շրջապատել, ծափահարել:

Օրինակ՝ **ծա-փա-հա-րել** – 4 ձայնավոր, 4 վանկ,
պը-տըտ-վել – 3 ձայնավոր, 3 վանկ:

Ուղղագրական և բառակազմական արժեք ունեցող բառափնջեր

զանձ	բուրելի	նախշելի	արևածագ
զանձատրուն	բուրմունք	նախշուն	արևաշող
զանձարան	անձրև	ընկույզ	օր
առաջ	անձրևելի	ընկուզենի	այսօր
առաջին	երգ	թռչուն	կեսօր
արձակելի	երգիչ	թռչելի	արձագանք
արձակուրդ	երգչուհի	թռիչք	արձագանքելի
սև	համբույր	դեղձ	ամբողջ
սևաչյա	համբուրելի	վրձիկ	ամբողջովին
ճամփա	ընդամենը	տերև	նվագ
ճամփորդ	ընդհանուր	տերևախիտ	նվագելի
ճամփորդելի	զգալ	տերևաթափ	սրբելի
հեթիաթ	զգացում	արթուն	սրբիչ
հեթիաթային	սառչելի	արթնանալ	պսպղալ
հեթիաթասաց	փախչելի	զարթնելի	պսպղուն
թագ	ծաղիկ	ներքև	եղբայր
թագավոր	ծաղկելի	վերև	եղբայրանալ
թագուհի	ծաղկաման	առջև	զգույշ
բույր	նախշ	արև	զգուշանալ

ԲՈՎԱՆԴԱԿՈՒԹՅՈՒՆ

ԴՈՒ ՄԵՐ ԴՊՐՈՅ ՄԻՐԵԼԻ. Գանձարանն այդ թե բանաս...	3
Իմ հա՛յ լեզու. <i>Ս. Կապույրիկյան</i>	4
Մերոպ Մաշտոցին. <i>Խ. Դաշտենց</i>	5
Առաջին ուսուցչուհին. <i>Լ. Բառնակյան</i>	6
Կես խնձոր. <i>Լուր Լ. Շանթի</i>	8
Դպրոցի ճամփան. <i>Վ. Գրիգորյան</i>	10
Իմ դասագրքերը. <i>Ս. Մուրադյան</i>	12
Երեք հարուստ (<i>հեթհարթ</i>)	15
Մտերմիկ խրատ. <i>Ս. Կապույրիկյան (տպագրվում է առաջին անգամ)</i>	18
ՄԵՐ ՏՈՒՆԸ. Նկարեցի. <i>Պ. Խաչատրյան</i>	19
Նայրս դաշտից փուն եկավ. <i>Պ. Խաչատրյան</i>	20
Բարի լո՛ւյս, մայրի՛կ. <i>Խ. Գյուլնազարյան</i>	21
Երգ մայրիկիս. <i>Ն. Միքայելյան</i>	25
Մայրիկի հաշիվը. <i>Փ. Աթրե</i>	26
Իմ հերոս պապը. <i>Պ. Խաչատրյան</i>	30
Մեծ մայրիկի նամակը. <i>Լուր Զ. Գալեմբարյանի</i>	31
Ծիծեռնակն ու ծիպիկը. <i>Պ. Խաչատրյան</i>	34
Երկու ծաղիկ. <i>Արշ. Դարբնի</i>	36
Քամին ու մանուշակը. <i>Ն. Շիրազ</i>	39
ՈՍԿԻ ԱՇՈՒՆ. Իջել է աշուն... <i>Լուր Գ. Մովսիսյանի</i>	41
Աշուն. <i>Ռ. Տոնյան</i>	42
Աշնան այգին. <i>Լ. Սարգսյան</i>	43
Աշուն <i>Լուր Է. Օհանյանի</i>	45
Աշնան նկար. <i>Ն. Միքայելյան</i>	48
Տերևաթափ. <i>Նովի. Թումանյան</i>	50
Պարահանդես անփառում. <i>Լ. Միլևա</i>	52
Վայրի փանձենու փակ. <i>Վ. Ահանյան</i>	54
Աշուն. <i>Ն. Սահյան</i>	57
ՄԱՆՈՒԿՆԵՐԻ ԱՇԵԱՐՆՈՒՄ. Ապրոպ չկա, ամպ չկա... <i>Սարմեն</i>	59
Մուշեղիկին քնից արթնացնում են արևի ճառագայթները. <i>Լ. Բառնակյան</i>	60
Նովվի փղան. <i>Նովի. Շիրազ</i>	62
Աշնան կիրակի օր. <i>Ռ. Շառոյան</i>	64
Շվին. <i>Լ. Սարգսյան</i>	66
Փոքրիկ Շոպենը. <i>Դ. Սարգսյան</i>	69
Նրաշալի բառը. <i>Լուր Վ. Օսեկայի</i>	72
Պարսափիկը. <i>Լ. Բառնակյան</i>	76
Պայման. <i>Յ. Սահակյան</i>	79
ՉՅՈՒՆԵՐԻ ԹԱԳԱՎՈՐՈՒԹՅԱՆ ՄԵՋ. Ո՛վ է եկել...	
Ն. Նայրապետյան	81
Փափուկ ձյուն. <i>Գ. Սարյան</i>	82
Փաթիլներն են բերել երկնքից. <i>Լուր Գ. Մովսիսյանի</i>	83
Ուղղագրական և բառակազմական արժեք ունեցող բառափնջեր.....	86
Հանելուկները, ասացվածքները, շոտասելուկները, սոտասելուկները՝ Ս. Մկրտչյանի, Ս. Մուրադյանի, Ս. Կորյունի, Վ. Վարդունու, Յ. Սահակյանի...	

*Քյուրքջյան Անժել Ներսեսի
Տեր-Գրիգորյան Լիլիթ Աշորի*

Մայրենի 2

(2-րդ լրամշակված հրատարակություն)

**Նանրակրթական դպրոցի
2-րդ դասարանի դասագիրք**

Մաս 1

**Նաստարված է
ՆՏ Կրթության և գիտության նախարարության կողմից**

**Նկարիչ՝ Մուսաննա Այվազյան
Նամակարգչային ձևավորումը՝ Ն. Գևորգյանի**

**Չափսը՝ 70x100 1/16, թուղթը՝ օֆսեթ,
տպագրական 5.5 մամուլ, տպաքանակը՝ 8749:**

Տպագրված է «Էդիթ Պրինտ» ՍՊԸ տպարանում:

ԷԴԻԹ ՊՐԻՆՏ
Երևան, Թումանյան 12
հեռ.՝ (374 10) 520 848
www.editprint.am
info@editprint.am



EDIT PRINT
12 Toumanyan str., Yerevan
Tel.: (374 10) 520 848
www.editprint.am
info@editprint.am